

# SAMITUCHODA SANUYADA MARCUBAY JESUCRISTUNCHIY

**Nutyu satuchoda Juánbay nijyanvay  
vichadanachoju**

*(Matévu 3.1-12; Dúcasiy 3.1-9, 15-17;  
Juán 1.19-28)*

**1** <sup>1</sup>Nuryamusiy rajotada samirya  
tuchoda sanchiy Jesucristu, jiryatiy  
Judenu denuni. <sup>2-3</sup>Judenuju tuchubay  
jiryatiy Isayiyasiy ravichada sitya,  
sanuyada jita catera padyevya:

“Yajnuy, ray Judenu jpani  
raynsu byi jimyomujy, satidye  
j dutyara nu yajiju. Ti jtanite  
natuye tajityomudaque: Yanuma  
j dutya jityajura nu Vuntyityujiju,  
vasenu yabarya nu sajiju.”

<sup>4</sup>Juán Jityanubay mutijada ramu tajityo.  
Sadatyadoda variy jasiryi nijyanvay:  
“Jiryaparuy riva taji jachipiyajada,  
jiryatidye jtyanutaniy variyu, satidye  
ramityaniy Judenu variy jiryivara  
jiryeyuuchaveda.” <sup>5</sup>Rudeda jita Judéya  
mucadimu vichavay, Jerusari vichada  
janvay jarye. Riityuyada jita simu  
Juánbay, Jurdajamu, riiniquejadanu-  
matiy jita vijyomujachera jiyuuchaveda  
vari.

<sup>6</sup>Juánbay jachodara jasiyasityera  
jvaachara jichujay yiva, caméllu  
jasityera jvaachara. Sapuchoda  
jicyannumura jicyannujay sajatyera  
jvaacharantiy. Simyisi jita vichanuyada  
vindyá ruvá, to quisijya jarye risaju.

<sup>7</sup>Saniquejada ruuva nijyanvay:  
“Jativyenumani jiryatiy sajti ribivaju,  
jiryatiy jaryi datyaravaju rimusidyeñi.  
Ne vinu sasaapatu vitadasara jtate  
darye, tamá rabyutyajaryuy sasaapatu  
vitadanachó ray, tamá. <sup>8</sup>Ray jtyanusara  
jajata jiryedye, nini jita rajtyanunuvi  
Judenu Jnututa jiryedye.”

**Sityuyada Jesús**

*(Matévu 3.13-17; Dúcasiy 3.21-22)*

<sup>9</sup>Dajiñuma sudeda Jesús Nasaryé  
musiy, Cadidéya mucadimusiy.  
Sityuyada jita variy Juánbamyu,  
Jurdajamu varidye.

<sup>10</sup>Sasubedanumatiy jaamusiy,  
varicharaju sunuyada rasete jarichu  
vari, sadiyada siva Judenu Jnutu  
vari, nutyu jarityude sajuyjeyada  
sivaju. <sup>11</sup>Rarayada niquejada jarichuvi-  
musiy variy simu: “Jiiniday radyenu  
jaryi ravyatasí. Jaryi richanatyá variy  
ji.”

**Jesús jiintyeda tajijyu**

*(Matévu 4.1-11; Dúcasiy 4.1-13)*

<sup>12</sup>Jadchiy jita supajada Judenu Jnutu  
tajityomujuni. <sup>13</sup>Daryajuyyu vuyajuy  
rundasaraju samachonuvejada jasiy,  
jmyiryajuusja. Sani juuchanuruyada  
Satanásiy\* variy jasiñi. Judenu  
jpavañuma jnumyanuyada variy  
jasidyeñi.

\* 1.13 Satanásiy vichada bayanturveda nutyityu.

**Jesús jótada datyadoda Jüdenu  
nusuyadanchiy Cadidéyamu**  
(*Matévu 4.12-17; Dúcasiy 4.14-15*)

<sup>14</sup>Riityejadanumatiñi Juánbay tanuvunujovimu, sayada Jesús variy Cadidéya mucadimuju, sadatyanutityiyada varirya samituchoda, jiryatiy Jüdenumusidyerya. <sup>15</sup>Saniquenyayada variy: “Ritima jita rarunda; jativyenuma jítara Jüdenu nusuyada day. Jiryaparuy riva taji jachipiyajada, jiryatidye tuvachu ramu samituchoda.”

**Jesús natuyada jichiityarijavju riy  
dañujuyu riicyanuvay**  
(*Matévu 4.18-22; Dúcasiy 5.1-11*)

<sup>16</sup>Samiryijada jita Jesús Cadidéya jmityojido, sadiñuvejada jita jasiy siva Siimyóbay, sataryi Antrésibe yisaju. Nanuriicyadoda variñi quiva jasiy, jiryatiy quiva jvaañujuy daryaju nada. <sup>17</sup>Süteda jita Jesús nadiva: “Sanasiityarijsara ray. Ray jita rabay diye sada nijyanvay canayadaju, riryatidye tuvachu variy simu Jüdenu.” <sup>18</sup>Nanutocheda jítara jiryiicya varicharaju, nanusiityarijada jita variñi. <sup>19</sup>Sayada jita Jesús ripyapude rayadadeju, sadiñuvejada nadiva Santiyácujube, sataryi Juánbatya, jiryatiy Sebedévubay denujube nada. Nanucartyevimu jivyichada variy, nanuriicya jicyuruchuvayada variy jasiy. <sup>20</sup>Sanatuyada jita Jesús nada, nanutocheda varicharajuni jijyebe Sebedévubay cartyevimu sanijyanvatya, nanusiityarijada variñi Jesús.

**Tiqui vanubay nchiy jiryatiy bayantu  
jamirya vichara vichanuyada siva**  
(*Dúcasiy 4.31-37*)

<sup>21</sup>Ruutojada jita Jesúsveda variy Capernavú vichadamu. Jiituyada rundamu sajayada varicharaju jutjeryaniyovimu, sadatyanunuvejada variy jasiy. <sup>22</sup>Rityitjada jita variy

sadatyadodanchiy, jiryatiy sadatyadoda jidyirya datyadatariry, ne nutyu Jüdenu niquejada datyanuvadye. <sup>23-24</sup>Varicharaju samutijada tiqui nijyamibay jutjeryaniyovimu, bayantu jamirya vichara vichanuyada siva. Saniquejada jita jaryi variy: “¿Tara jivyata nudysa, Jesús Nasaryémusi, tara? ¿Yidesiviyi nuñivachadanacho? Radyetyama ji, chira ji. Jiiñiday Jüdenu jiintyasi.” <sup>25</sup>Saniquejada jita Jesús jamiryamu siva: “Yandasa, yasipyatay sivasiy.” <sup>26</sup>Bayantu jita siichunujajada variñi nijyami, jaryi sasañeyajadanube jichippyateda variy sivasiy nijyami. <sup>27</sup>Titaju nijyanvay tittada varirya, ruutajadoda nuñi riy variyu: “¿Tara ranicha jirya day, tara? Ranuma ranicha vadi datyadoda day, jiryatiy sadiryamusiy jidyetya Jesúsra. ¿Nutyichiñumana supa sivasini bayantu vacha vicharantiy, nutyichiy? nutyu satuvachu simunticyu.” <sup>28</sup>Varicharaju raramityeda Jesús jatichyada Cadidéya vichadivaju titaju.

**Jesús misadeda nada  
Pyítrubay desedabay**

(*Matévu 8.14-15; Dúcasiy 4.38-39*)

<sup>29</sup>Jadchiy jita sayada Jesús jutjeryaniyomusiy. Sayada jita Santiyácubaty, Juánbay jarye, Siimyóbay rorimuyju, jiryatiy Antrésibe roriy jaryera. <sup>30</sup>Siimyóbay desedabay jita vichada majevyimu saduyannuy, rityuchoda variy siva Jesús nadaju. <sup>31</sup>Satuudiyada jita variñada, sireda variy nanujomu, sanubesityadeda jita variñada. Raparayada jita saduyada variy nadivantiy, nanupotyadeda variryi Jesúsveda jasiy.

**Jesús misadeda riy jdivajnuvajyuu**  
(*Matévu 8.16-17; Dúcasiy 4.40-41*)

<sup>32</sup>Sapuryeyadanumatiy iñi, varijidye ruutitjada simu Jesús riy jdivajnuvaj titaju, bayantutavay jarye. <sup>33</sup>Titaju

vichada janvay jutyeryadeda varyi rorijyutuunuyu. <sup>34</sup>Samisadeda jita variryi rajuu jdivajnuvay jasiy, jaryedo jdivajadavay, tavavyasiñi sajatyada riy bayantuveda varidy. Subayada Jesús bayantuvedajisiry niquejada, jiryatyidyetyada daryajuni.

**Jesús datyanunumayajada  
Cadidéya vichadiva  
(Dúcasiy 4.42-44)**

<sup>35</sup>Tarimysidyerá rásacharamu, sanubeseda, sayada varyi yasiquita tajityomuju. Jasiy samachonuvejada tuchodaju sisa Judenu. <sup>36</sup>Siimyóbay, sisa vichavatya, riñi vatada jaryi sanachó varyi. <sup>37</sup>Ridyiyadanumatiy siva, ruteda varyi siva: “Rivyata títaju nijyanvay jiñecho.” <sup>38</sup>Suteda jita Jesús varyi ruuva: “Vañi tajijyu, vichadamuju, jiryaty vutyuudicherya, ratidy datyanu rumuntidyeryi nijyanvantiyde, tapi ranachovitya rachipyatay jamu vichadamusiy.” <sup>39</sup>Sayada jita datyadodanachó, jutyeryanijyovimu, Cadidéya vichadiva títaju. Sajatyatityiyada variryi bayantuveda nijyanvavyasyi.

**Jesús misadedani vatajojunubay  
(Matévu 8.1-4; Dúcasiy 5.12-16)**

<sup>40</sup>Sitijada vatajo nutyityuratibay simu varintyi. Sayasantanuvijada sivayu, sadasinunuvijada varyi sanachojyuy: “Jivyataty yapuy rivasyira vatajo.” <sup>41</sup>Santyutyada Jesús varini, saratyada jitará jiyase varyi sanachóju, sajatyojada varyi saniy. Suteda jita varyi siva: “Ravyatantye, saminuma yecha.” <sup>42</sup>Varicharaju rabayada vatajo sivasyi, samachojada sami rubiva. <sup>43-44</sup>Supajada jita Jesús varyi yimusiñi, jamiryamu: “Jatyí jityuchosiy tdevara. Yanuma jita jiya, yatidy dityanunuve caserdótemyu ji. Jiryaty rapuchama

daryaju jivyatajo yivasiyu, ne ti jita rasuvunúday ji. Yasadyerya jnutatya-sara Judenumu day, jiryatyí Muyusésibe jtedamujura, riryatidy datya nijyanvay varyi ranchiy: Ne rajatay jita jivyatajo tivajunúday.” <sup>45</sup>Sayada jita varyi rivasiy, sajotada tuchunumayajada vatajo nutyityurati: “Nuryamusiy ramyisa.” Ramunitimyu ne vanay sitonuyada Jesús vijyomujache jamu vichadamunúday. Samachonuyada taji yasiquita vichajomu, jasityi ruutinuyada títaju taji vichavay simu.

**Jesús misadedani jurichinibay  
(Matévu 9.1-8; Dúcasiy 5.17-26)**

**2** <sup>1</sup>Sataryada ramuju Capernavú, nuriryundamusinintyi sataryada, ridyetyada jita varyi: Rorivyimuni. <sup>2</sup>Riintyeryadedanumatiy rajuuvay nijyanvay rorimyuyu, ne richara ravichada rorivyimu varinúday, ne vinu vatapadamu jarye risajunúday. Saniquenuyada Jesús varyi rorivyimusiy ruuvara Judenu niquejada. <sup>3</sup>Rututityiyada simuju varintyiñi jurichinintyi dañujyumusiy. <sup>4</sup>Ne vanay ruutotada varyi simuni, jaryi nijyanvay daryaju vichada sayada. Ramuti ribetyada siyusiy Jesús roritye. Rijyutyadanumatirya roriy, rumusadeda varyi jadchiñi jurichinibay, jimeyancha. <sup>5</sup>Sunuyadanumatiy Jesús riñecho, jiryatyí rijechipityajajada sitenu misanirya daryajuni, suteda varyi siva jurichinibay: “Jijyuuchueda raramiy mitya yiva, Pi.” <sup>6-7</sup>Jasiy rimyasada Judenu niquejada datyanuvay tevay, rijechipiyajada varyi jjechimyu: “¿Taraju sanique daryá jiñu day, taraju? ¿Ne savityiyeni Judenu day? ¿Chi ramityanichara mityara juuchueda, chi? Vinu Judenu ramityanichara mityara.” <sup>8</sup>Varicharaju sadatyada Jesús jjechimyu day, nutyura rijechipiya

jijechimyu nijyanvay, nutyura. Suteda jita variy ruuva: “¿Nutyurajura jiryitajanu darya jiryejechimyuyu, nutyuraju? <sup>9</sup>¿Miryara jaryi datyasara, mirya? ratiy jtay siva jurichini: Jijyuuchuveta raramiy mitya yiva, varimyata rajtay siva day: Yanubesumiy, yatuchirya jimeya, yarupichiy variy. <sup>10-11</sup>Jiryatidye jnyasyi savidye ramityaniy Nijyamidenu sivara jijyuuchuveta jirya mucadimu,” suteda variy siva jurichinibay: “Ritay yiva: Yanubesumiy, yatuchirya jimeya, yanuma jiya jiryorimuyju day.” <sup>12</sup>Sanubeseda jita varicharaju, sutucheda varirya jimeya, sasipyateda jita variy nijyanvay diyadajache. Ramutiy rityittada nijyanvay varirya, riichanatyadanı Jüdenı variy: “Netaramı vüdyichara daryıva day.” <sup>13</sup>Samaseda jita Jesús jadchintyi, sayada jmytojiniyyu. Titaju nijyamıjuı jutyeryadeda variy simuyu, sadatya-doda variy jasiryı.

**Jesús natuyadanı Devyıbe**  
(Matévu 9.9-13; Dúcasıy 5.27-32)

<sup>14</sup>Saramiryıjadamu jidyiryıjada siva Devyıbe, Ajéñubay denubay, samasada criquiy jmutyajomu. Suteda jita Jesús siva: “Yasııtyarısara ray.” Sanubeseda jita variy jadchiy, sasııtyarıjada jita variñı Jesús.

<sup>15</sup>Savichada Jesús sarorimyu Devyıbe, jıbyedaju, rivyichada rajıu criquiy jmutyavay, juuchataway jarye sısa Jesús, sısa datyavay jarye, rajıuıvay sııtyarınuyada daryajunı.

<sup>16</sup>Runuyadanumatıy sımyı Jesús ruusa juuchataway, criquiy jmutyavay, ruteda jita Varyisévueda catera nıvyı ruuva Jesúsısa datyavay: “¿Tajura sımyı ruusa criquiy jmutyavay, tajı? jiryatıy riñıcha juuchataway risaju.” <sup>17</sup>Satıvachoda jita Jesúsra ruutajadoda, suteda variy ruuva:

“Jiryatimyu ne jdivajnuvadyeryı, ne rivyatani jndanı nuday; jiryatıy jdivajnuvadyeryı, riñı jita vata dañı jndanı day. Ne rınyı samırya vıchavay natuyadanachı day, juuchataway natuyadanachı jita rinıdyı.”

**Ruutajadodanı Jesús jmyıchara jnuradanchiy**  
(Matévu 9.14-17; Dúcasıy 5.33-39)

<sup>18</sup>Rinranuyada Juánbayısa datyavay variy, Varyisévuedajısa datyavay jarye. Rıdeda jita nijyanvay variy simı Jesús: “¿Tarajura rinrasara Juánısa datyavaryı jmyıchara, taraju? Varyisévuedajısa datyavay jarye. Yısa datyavay jıtamıy ne datya jnuradara jmyıchara.” <sup>19</sup>Suteda variy Jesús ruuva: “¿Tarajuna rıryajnura musuchavaryı jmyıchara jamıyada rundamu day, taraju? Jasıchırajıtıy savıcha vadı jamıñı ruusa, ne vanıy rinrada varıdyeryı. <sup>20</sup>Tarundamu day tı rasıvay rıryajısiñı vadı jamıñıntıy, variñı jita rıryajnura jmyıchara. <sup>21</sup>Ne vıcyuruchıvay vadıjatyara tarıjepyo; tapıtya rıcantıy jaryı varırya tarıjepyo. <sup>22</sup>Dantıyamıy ne vıbechara bınuja vadıja ravımu tarıjevıyupo; vuryatıy bay ravımura, rabıcha varırya tarıjevıyupo, rapachıtye variy bınuja, tarıjevıyupo jarye rapachıtye variy. Ramunıtıy vıbırya bınuja vadıja ravımu vadıjavyı.”

**Jesúsısa datyavay rotyatıtyıyadara jarıusıbyı jııtuyada rundamu**  
(Matévu 12.1-8; Dúcasıy 6.1-5)

<sup>23</sup>Jııtuyada rundamu jita saramiryıjada Jesús racabyımu jarıusıñı. Rıjyıtada rotyatıtyıyada sısa datyavaryı jarıusıbyı. <sup>24</sup>Ruteda jita Varyisévueda variy siva Jesús: “¿Tajıramıy ne yınıy riñıcho yısa datyavay, tajı? jiryatıy ruuvaaryı jubıchara jııtuyada rundamu

jvaayadajura.” <sup>25</sup>Suteda jita Jesús variy ruuva: “¿Ne jiryetyuchununuyadate didyerya catera nuchara didyejyú? nutyura sivaayada Davyíbe varityi savatáda jmyicharanacho jiejchijadamu, sisa vichavatya. <sup>26</sup>Nutyuramusiy sajayada Judenu rorivyimu, sibyeda varirya pa jasiy, jiryatyí ribeñuyada Judenu jiyadajura. Sasayada jita yisa vichavay variy ratentiy, jiryatyí jübachara riibyedajisidyerya, tapi vinu caserdótevyeda jbyedaju ranicha day, jiryatyí Judenu jiyü jnutatyasara darya. Dajiy savichanuyada Abiyatá rubay caserdótevyeda nutyityü variy.” <sup>27</sup>Suteda Jesús variy ruuva: “Judenu judejadani nijyamí munatya, jadchiy jita sabayadara jiituyada runda nijyamíju. Ne sabayada Judenu munatya jiiituyada runda, dantyamyü ne sündejadani nijyamí jiituyada rundamuju. <sup>28</sup>Ramuniñiy Nijyamídenü vichasara jiituyada rundajamintiy.”

**Jesús misadedani jomutu susañubay jiituyada rundamu**

(Matévu 12.9-14; Dúcasíy 6.6-11)

**3** <sup>1</sup>Sajatyiyada jayada ravimu jutyeryanijyontiy. Jasiy savichada variy tiqui vanubay, susarya jomutura. <sup>2</sup>Rünuchoda variy Varyisévueda jasiñi Jesús, savidyé misaniy jiituyada rundamuni, riryatidye tuchuta variy riva ni. <sup>3</sup>Suteda Jesús variy siva jomutu susañu: “Yanubesumiy, yajniy rajacheju.” <sup>4</sup>Suteda jita Jesús variy ruuva Varyisévueda: “¿Samiryavidye vuryi jvaarya samirya jvaayada jiituyada rundamu, varimyata vuryi jvaay dyetyara javatyada? ¿Vuryivyidye jantyuy siva nijyamí, varimyata vuryi javatyaní?” Rimechojada mitya vajeryade variy. <sup>5</sup>Sunuyajada variy jamiryamu riñecho, sayivatya variy, tapi surravitya ravichada daryaju

rijechiy. Suteda variy siva vanu: “Yaratyara jiyjomutu.”

Saratyadanumatirya jijyase, rudutyeda sajomutu varicharaju títaju. <sup>6</sup>Rimyaseda jita Varyisévueda, varicharaju rityuchudoda Jeródesbe siityarivatya sayaroju Jesúsyu: “¿Nutyuramusiy vuryi jvañi, nutyuramusiy?”

**Jesús datyadoda riy rajuuvay nijyanvajyuu jmityojiniy**

<sup>7</sup>Sajiintyeda Jesús variy jadchiy yisa datyavatya, jmityojiniyju. Richiityarijada rajuu nijyanvajyuu variy Cadidéya mucadimusiñi, Judéya mucadimusintiy. <sup>8</sup>Jerusarimusiy, Iduméya mucadimusiñiy, Jurdája rudamyusiy vichavay jarye, Tíru vichada júrosiy, Sitú vichada júrosiy vichavay jarye, rajuu ramu vichavay jniñuyada simu, rityuvachunuyada daryaju: Rajuura sivaachara. <sup>9</sup>Suteda variy ruuva yisa datyavay: “Jiryabay rajijura cartye, riñuma naya nijyanvajyuu jiy ray.” <sup>10</sup>Jiryatyí samisaniñuyada daryajuriy rajuuvay nijyanvajyuu, ramuti rijetyatiñuyada sanchaju Jesús variy, rityi vichanuyada jdívajnuvay. <sup>11</sup>Ridyíñuyadanumaty bayantuveda jamirya vichavay siva Jesús, ribyutanuvenuyada variy jityuvachodamu satuunuy, richēñeyanuyada variy: “Jiñi jita Judenu denu.” <sup>12</sup>Saniquenuyada jaryimyu variy ruuva: “Ne jiryadatyantu tira chirra rañicha day.”

**Jesús jaryetada riy vuyajuy nijyanvajyuu danujuy rinchaju, sansubymijyuu**

(Matévu 10.1-4; Dúcasíy 6.12-16)

<sup>13</sup>Sasubeda jita variy jamumusivya, sanatuyada variryi rityi savatáda yisa vichisavajyuu. Rudeda jita variy simuju. <sup>14-15</sup>Sabayada jita variryi vuyajuy vaduy, danujuy rinchaju, riryatidye vicha sisa vichisavajyuu, satidye jpa jasiy variryi,

riryatidye tuchunumaya variy rumu, riryatidye jmutyara datyada variy, riryatidye jatya variriy bayantuveda nijyanvavyasiy. <sup>16</sup>Sabayada jitariry jivye nijyanvay vuyajuy, danujuy rinchaju: jiñu Siimyóbay, jiryatiry sabayada Jesúsra sitya Pyítru. <sup>17</sup>Jadchintiy Sebedévubay denujube Santiyácu, jiñuntiy Juán. Sabayadara nanitya Buvanérique, nanítachada ránicha day ruvatarya denujuy. <sup>18-19</sup>Sabayada jadchintiy Antrésibe, Vedípebe, Bartodomévubay, Matévubay, Tumásabay, Santiyácubantiy jiryatiry Ajéñubay denubay savichada. Jadchintiy Tadévubay, Siimyóbay jiryatiry jaryi vanira niquerabañi, jadchintiy, Judásiy Isaryótibe ninítiry mityasiyada rivasiñi Jesús.

**Rityuchutada rajuumusiñi Jesús:**  
**“Bayantu nutyityu vanuyadata**  
**sajatyasarariy bayantuveda**  
**nijyanvavyasiy”**

*(Matévu 12.22-32; Dúcasiy 11.14-23; 12.10)*

<sup>20</sup>Ruutojada jita Jesúsveda jiryorimyu, riintyeryadeda junay nijyamijuu variy jasintiyuy, ne vanay nta riimyíñuyada variy. <sup>21</sup>Ridyetyadanumatiry satevay, riyada jita variy sanacho, riryatidye juriy variñi, rutañuyada tavay daryajuni: “Jatayani.” <sup>22</sup>Rúdeda jita Jüdenü niquejada datyanuvay Jerusarímusiy, ruteda jita variy sanijyu Jesús: “Bayantu nutyityu saniqueti. Satanásiy jtedamu sani jatyajayasara riy bayantuveda nijyanvavyasiy.”

**Sumutyajada Jesús rityuchutadanchiyu**

<sup>23</sup>Sanatuyada jita Jesús variriy nijyanvay, satuchoda jítara jidyetya-doda variy: “¿Nutyichiña sajatya Satanásiy mityamusiyu, nutyichiy?” <sup>24</sup>Riryityi panaryi jiñiqueyadamu curaca nijyanvay nuñi riy jiñijyu, ne vanay rásuruy variñuday. <sup>25</sup>Daryantiy, riryityi

panaryi rorijyanvay nuñi riy jiñijyu, dantyamuy ne riryasuruy vatajuu variñuday. <sup>26</sup>Nuñi rityi ranubesiya Satanásivyeda jiyaroju, riñantada variy tajijyuriy jityevajyuu, ne riryasuruchara variy, riryabaryisara variy titaju.

<sup>27</sup>Ne ti jayadasara ravimu saroriy vanu vanurya, satidye sovarya sabarya yimusiy, netimyu ne sapuchusasiy munatyayu. Rivasiy jita saryi sovarya sabarya variy yimusiy. <sup>28</sup>Sítenu ritay jiryiy: Saramityaniy jita Jüdenü nijyanvavyara jiyuuchuvada titaju, riryavityiyeyadiva jarye risaju. <sup>29</sup>Vinu nitiy rajavityiyeni Jüdenü Jnutu, ne ti raramityanichara sivara, jasiñuma ramachosara sayasachada junareju.” <sup>30</sup>Rani suteda Jesús, jiryatiry ruteda nijyanvay daryaju: “Bayantu jamirya vichara siva Jesús.”

**Muvye riñicha sítenu**  
**satevay Jesús, muvye**

*(Matévu 12.46-50; Dúcasiy 8.19-21)*

<sup>31</sup>Naditijada jita Jesús jñoda sataryivedata, rimechonuvijada bimu, jadchiñuma riñatutyadedani Jesús variy. <sup>32</sup>Jiryatiry rimyasada nijyamijuu suro Jesús, riñuma tuchoda variy siva: “Yajnyu, jiñutyi nanuvata yinoda ji, jityeryiveda jarye, jiñutyi bimu nada.” <sup>33</sup>Sumutyajada jita riy: “¿Miñuñá rinoda, miñuy? ¿Muvyeñá ratyeryiveda, muvye?” <sup>34</sup>Sunuyada jita variy riñecho jiryatiry rimyasadedada jasiy: “Jiñutyiñada rinoda, jivyetyiryi ratyeryiveda. <sup>35</sup>Minityi jvaaryuy jidyrya darya ratiy savata Jüdenü jvaayada day, niñi jita ratyeryi day, rityamutu jarye, rinoda jarye ruusaju.”

**Jesús tuchoda nutinchiy**  
*(Matévu 13.1-9; Dúcasiy 8.4-8)*

**4** <sup>1</sup>Sajatyiyada jita datyadoda jmityojinintyiryi. Riintyeryadeda jita rajuu nijyamí simuyu; pariche

sumusada carteyevimu variy, samasada jita ravimu variy, jiryatiy ravichada jaamu. Titaju nijyanvayyu vichada variy jimityojiniy. <sup>2</sup>Sadatyadoda rajuura tuchodata riy. Suteda jidyetyadodamu ruuva: <sup>3</sup>“Jiryatuvachu. Sayada jita tiqui nuti nutadanacho. <sup>4</sup>Santadamu jita rajuyyada ratesiy nuva, ruutijada nipyatavay varidye, riimyimyuyada variy jadchirya. <sup>5</sup>Tajiñechoju rajuyyada ratesiy varintiy, ravichu cabyiva, jiryatimyu ne vatunucu ravichada mucadi jasiy. Varicharaju radipuvesu-beda variy jasiy, jiryatimyu ne vatunucu mucadi jasiy. <sup>6</sup>Navapyu savichada jiñi variy, ramumya variy sadara nutasara variy; jiryatimyu ne jnutyara ravichada daryaju, ramunitiy ramuyada variy. <sup>7</sup>Tasiñi juuyada cariitu jnuty cabyiva day, rani cariitu jotada javyeda rajisiy nutasarsiy, ramutiy radiryododa varirya nutasara variy, ne rajaryuyada variñuday. <sup>8</sup>Tasiñi juuyada samiy mucadimu day, jasiñi jita rabiveda samirya, rasivyeda jita varintiy. Rajavyedanumatiy, rasayada jita variy, tarani jayada day, rasayada mumuri vuyajuchicharaju, tarantiy jasyada taraquinijyate vuyajuchicharaju, tarantiy jasyada taraqui pachasicharaju.” <sup>9</sup>Suteda jita Jesús varintiy: “Riryama tuvachu tuyutavay.”

**Nutyuraju saniquejada Jesús dityadoda tuchodata, nutyuraju**

(Matévu 13.10-17; Dúcasiy 8.9-10)

<sup>10</sup>Riryasiquita jivyichada Jesúsveda variy. Taraqui vuyajuy nijyami, danujuy rinchaju, tajuunuma jadchidye richiityarinyuyada ruusajuntiñi, titajumusiy ruutajadoda jidyetyadodanchiy: “¿Nutyuramuna jityuchu nurya dityadoda tuchoda, nutyuramu?” <sup>11-12</sup>Suteda jita variy ruuva: “Vinu jiryeni sasayada Jüdenu darya

mityamusiy datyada day, Jüdenu nusuyada datyadaju; tavajyu jita jiryatiy bimuriy, mitya dityadoda tuchodaniday ratyuchu ruuva day, riryavidye datya jadchirya; riryatidye nuy ranacho, ne riryadiy variy riva; riryatidye tuvachura, zva riñi datya variryacay? riñuma janumitye junay sanachoju Jüdenuntiy, ne saramityaniy Jüdenu variy ruuvara jiyuuchuvada.”

**Jesús datyatadedara tuchoda nutinchiy**

(Matévu 13.18-23; Dúcasiy 8.11-15)

<sup>13</sup>Suteda Jesús variy ruuva: “¿Ne jiryedyetya darya jirya dityadoda tuchoda dajyúú? ¿Nutyichiña jiryadatyara tara tuchoda varintiy, nutyichiñi? <sup>14</sup>Nuti tuchusadamu, nuti nutara Jüdenu niquejada. <sup>15</sup>Jive jiryatiy núvari, jasityi sure jita nuti varirya Jüdenu niquejada; rityuvachunumatirya, sunichara Satanásiy varicharaju, sasovacharara Jüdenu niquejada variy ruuvasiy, jiryatiy nutasara ranicha ruuva. <sup>16</sup>Darya nıday, darya ranichantiy jiryatiy ravichu cabyiva ruresantiy; rityuvachunumatirya Jüdenu niquejada, varidye rumutya jichanayadamura. <sup>17</sup>Netimyu jnutyavay daryajuriy, ne richururyuy tarijyu jityuvachodamu variy. Ridetyasaranumatirya parutyasada Jüdenu niquejadiva, ti jiyasantasara riva Jüdenu niquejada risajuntiryi, varicharaju riryaparuchara riva. <sup>18</sup>Jivyentyi jiryatiy juresavay cariitu jnuty cabyivariy, riñicha nijyanvay jiryatiy rityuvachura Jüdenu niquejada. <sup>19</sup>Dañuma riñicha tuyutavay, ripyaryu variy riva jichiityarijada day, jiryatiy rijechipiya daryaju taranijyu jirya vichadivasiy: ¿Nutyuramusiy vuryicha taratavay, nutyuramusiy? Jaryi rucanurya taratavay vichada daryaju, rivyata titaju tara vacha

yimujū variy. Ramuniṭiy radiryovay Jūdenū niquejada variy ruuva, ne vanay rajay rityuvachodamu variy. <sup>20</sup>Jiryatiy samiy mucadiva ruresayu, jiryatiy rityuvachu darya Jūdenū niquejada day, riñi jīta jiridyerya, rajay variy rijyū, tiva raṣay mumuri vuyajucharaju, nuva raṣay taraquinijyate vuyajucharaju, tamityiva raṣay taraqui pachasaraju.”

**Jesús datyadoda nonodanchiy**  
(Dúcasiy 8.16-18)

<sup>21</sup>Suteda jīta variy ruuva: “¿Rajunina vuryerirya nonosiyy vuryatiy bay suutapay jarirya, varimyata mayajariy? Nonobajyonchajuni vuryeridyerya.

<sup>22</sup>Tapi ne tara jñay tara jiryatiy dutyasara diyera, vinu raṭidye vicha dityanusara rivasintiy, dantyamuy ne tara mityamusiy datyasara tara, vinu raṭidye vicha jvadatyasara rivasintiy.

<sup>23</sup>Samā tuvachu, minityi tuyuti.”

<sup>24</sup>Suteda jīta variy ruuva: “Jiryantyajnuy, taranachō jiryetyuvachu, taranachō. Daryatiy vucharanu tavajyū tara, daryaday riyasaranu variy vujyuntidye, rataday sajasachu Jūdenū vujyuntidye. <sup>25</sup>Tapi simu jiryatiy taratini, saṣay Jūdenū variy junantiyiñi; simusiy jīta jiryatimiy ne taratini, saṣovay Jūdenū variy simusintiryra jiryatiy simuntidyerya.”

**Jesús tuchoda rasiynchiy**  
**jiryatiy javyeryara**

<sup>26</sup>Suteda variy: “Ravichechara Jūdenū nusuyadayu, nuṭyu vanu nta jurejadara rasiy mucadiva. <sup>27</sup>Samay, sanubesiyy, saramityanirya rajuu nupora, rajuu runda jarye risaju. Rasiy dipuvesumiy, rajavye, ne sadatya nijyamī nuṭyichiy rajavye, nuṭyichiy. <sup>28</sup>Radirya jiyeyvesumiy rasiy mucadinubesiyy, munatya ravintay, jadchiy jīta rabintanty, jadchiy jīta rasivyenty. <sup>29</sup>Rasudu

ñumaty rasiy, satotaniy jīta rájami varirya, ritimā raṭosaḍa runda daryaju.”

**Jesús tuchoda nutasarasinchiy**  
**jiryatiy quicātadira**

(Matévu 13.31-32; Dúcasiy 13.18-19)

<sup>30</sup>Suteda jīta Jesús: “¿Nuṭyuranumatte vuryajtay radityanu Jūdenū nusuyadayu, nuṭyura? ¿Tara tuchodata vuryadatanura, tara? <sup>31</sup>Nuṭyu quicātadi nta ranicha. Vuyntatiy mucadimura, jaryi pasichidyera titaju nutasarasimiyusirya jiryatiy mucadivara. <sup>32</sup>Vuyntanumaty jītara, rajavye jīta jamura jtiquiraju tara nutasaramusiy. Rajavye jamuqui jiiqui nipyatijijū, jasityi saruuvye racanuvujomu variy.”

**Jesús datyadodariy nijyanvay vinu**  
**dityadoda tuchodata**

(Matévu 13.34-35)

<sup>33</sup>Tamā taraqui tuchodamusiy sani tuchunuyada Jesús daryara Jūdenū niquejada nuḍay, tamā, jasicharajutiy ridyetya nijyanvay ramu. <sup>34</sup>Vinu rani saniquenyada dityadoda tuchodamu ruuva day. Varityi savichanuyada yasiquita sisā datyavatya, variñi jīta sadatyanunuyada titaju samiryi.

**Jesús ndasadedara riicho,**  
**riyerya jarye risaju**

(Matévu 8.23-27; Dúcasiy 8.22-25)

<sup>35</sup>Varijidye day, suteda ruuva yisa datyavay: “Vuryaramityeryi jmyto rudamyujū.” <sup>36</sup>Rityocheda variryi nijyanvayyu jasiy, ripyucheda sisā datyavay cartyevimu varidyeyu, jiryatiy savichada jasiy. Riyada tavay sisā variy rajuuju cartyevimuntidye.

<sup>37</sup>Rariichovesubeda jīta variy, riyeyada variy risaju, rajayada jaā variy cartyevimu, ramucharuñuma cartye pariche rajū jaā varidyey. <sup>38</sup>Jesús jīta mayada variy raquinimu, tiryosunycha.



Ridyoseda jita sĩa datyavay variyu: “¿Ne jidyetyaruy vuryacaray jiyu day, Datyanu?”<sup>39</sup> Sanubeseda jita Jesús variy, saniquetyada varirya riicho. Suteda jita riva jaá: “Yandasa, ne yasiquityanuday.” Ravurveda jita riicho variy, juvaya ramachojada jaá varintyi.<sup>40</sup> Suteda jita variy ruuva: “¿Tajura jiryechuvurya, tajú? ¿Ne jiryechipitya jijechityani Judenu didye?”<sup>41</sup> Runteda jaryi variy, ruteda nuñi riy variy yiva: “¿Chirana sanicha jiñu day, chí? Nutyu ratuvachu riicho simu, jmityojaa jarye tuvachu simu.”

**Jesús misadedani Jerásajami bayantutibay**

(Matévu 8.28-34; Dúcasiy 8.26-39)

**5**<sup>1</sup> Ruutojada jita jmityo rudamyu, Jerása janvay mucadimu.<sup>2</sup> Sasubedanumaty Jesús cartyevimusiy, sudeda jita tiqui niyamí variy simuju bapymusiy, savichada bayantu jamirya vichara siva.<sup>3</sup> Bapyo cabyantu savichanuyada; ne tì puchodasara savichanuyada daryaju, ne vinu cadyidyajuuta puchoda sarani, mitya.<sup>4</sup> Rajuuranuma riñi puchodara sajomutu, sanumutu risaju, sarotyanyadara cadyidyajuú jijjomutu mururyamusiy, savitanuyadara jiñumutu puchusarantiy. Ne tì vichanuyada vanurya sĩa, tì ravuunujañi.<sup>5</sup> Jnarya, nuporaca jarye risaju sasañeyatityiyada bapyo cabyiva, jamumusiqui cabyiva jarye, savatajonutityiyada ravichuta variyu.<sup>6</sup> Sadiyadanumaty ripyapu siva Jesús, sasiicheda jita variy simuju, sadasiñunuvejada variy satuunuyu.<sup>7</sup> Sasañeyajada jaryi variy: “¿Tara rimu jijjyu, Jesús, tara? jiryatyi Judenu jarichumuvichí denu dajyi. Rañi jiyasanta sitenu ji, Judenu jtyamu, ne yajantyunuvay jita ray.”<sup>8</sup> Sutañuyada Jesús daryaju siva: “IYanuma sipyatay

sivasiy, jamirya vichara bayantu rapurya!”<sup>9</sup> Sitajadoda Jesús variñi: “¿Tara yityate day, tara?” Sumutyajada jita: “‘Rajuura Varanca’ ritya day, tiquijuuty daryaju nuy.”<sup>10</sup> Jaryi sayasantada variñi Jesús: “Ne yajpa jita numyucadijisiy tajjyu nuy.”<sup>11</sup> Savichada tajuuqui cuchiy jasiy, sibyesadeda musimiyare.<sup>12</sup> Riyasantada bayantuveda variñi Jesús: “Yajpa cuchivyaju nuy, nuñatidye jay variy ruuva.” “Jo.”<sup>13</sup> Richipyateda jita bayantuveda jamirya vichavay, rijeyada jita variy cuchivya. Jiryatyi rivyichada darajuy varanca cuchiy jasiy, richiichiyeyada variy nubañucovimu jmityomuju, jasiñi rijeyeyada titaju variy, puritye.<sup>14</sup> Ribeyeyada jita cuchiy jnytyavay variy, rityuchunuvejada jita jamu vichadamu varirya, ruo vichavavya jarye rityuchunuvejada variy. Rudeda jita nijyanvajyuu jnyvye variy, nutyunuma ravichasintyi, nutyu.<sup>15</sup> Ruutitjadanumaty simu Jesús, ridyñuvijada siva vanu, ne tavay jny bayantuveda variy sivanuday. Samasada variy jasiy, sujatyinuma variñi, raratyedama suno variy, jiryatyi varancajuu bayantuveda sipyatada daryaju sivasiy. Vuyntacha rivyichada nijyanvay variy.<sup>16</sup> Jiryatyi ridyiyada titaju riva, rityuchoda jita variy: “Nurya savichasiy bayantuvedati, cuchiy jarye.”<sup>17</sup> Rijyotada jita jiyasantada nijyanvajyuu variñi Jesús: “Yanuma jiya jiyusiy, numyucadimusiy.”<sup>18</sup> Sumusadjanumaty Jesús cartyequívimu, sajachiñuyada jita niyamí sivayu, nityi vichanuyada bayantuvedati: “Ravyicharuy yisa.” Subayada jita Jesús sajisirya: “Ne.<sup>19</sup> Yanuma jiya jiryorimyuju, jityenumuju, yatuchunuve ruuva: Nurya savichadesiy Nutyityu yentyutyadamu ray.”<sup>20</sup> Jadchiy jita sayada nijyamí, sajotada jita tuchoda

vari y vuyajuy jamu vichadivara. Satuchoda: “Samirya savichadesiy Jesús rajyura.” Rityittada títaju nijyanvay varirya.

**Jesús misadedani Jáyrubay detubay, vaturuy jamunudatanube jarye**  
(*Matévu 9.18-26; Dúcasiy 8.40-56*)

<sup>21</sup>Saramityeda jíta Jesús cartyevimu rudamyujntiy. Rajuu nijyami jutyeryadeda variy simuyu. Savichada jmityojiniy variy. <sup>22</sup>Sudeda jíta tiqui jutyeryaniyojanvay nutyityubay, jiryatiy ravichada sitya Jáyiru. Sadiyadanumatiy siva Jesús, sarayada variy sanumututuunu. <sup>23</sup>Sayasantada variy jaryi jasidyeni: “Radyetude vadiiryo. Varenuma, yatiy barya jijyomutu saniy samisadaju, satidyey jnyu variy.”

<sup>24</sup>Sayada jíta Jesús variy sisa. Rajuu nijyanvay siityarijada variy rumuni, riñi nayaryyada varidyeni.

<sup>25</sup>Nanuvichanuyada jíta runuy vaturubentyi, jamunudatanuy, taraqui vuyajuy nijya ravichada nadiva, danijyajuy ranchaju. <sup>26</sup>Rajuumunuma nani jndantede dayu, nani jachideda pariche rijyuyu, nanupatyamuyada varidyerya yimu vichara títaju varidye, naryi misáva, tii, mitya. Variñi nanuvichada jaryinra varidye.

<sup>27</sup>Nanutuvachodanumatirya saticheyada Jesús varintiy, nanideda jíta Jesús rudivasiy nijyanvay cabyiva variy, nanujatyajada raniy sasujay.

<sup>28</sup>Naniteda jíta daryaju: “Raryityi jatya vinu sasujanyecy, ranuma misa varidye.” <sup>29</sup>Varicharaju raparyyada variy nuda nadiva. Nanudatyada variy jivyimu: “Ramyisama jíta samiy.”

<sup>30</sup>Sadatyada jíta Jesús jidyirya: “Rasipyateda vanuyada rivasiy ti misadedaju,” sanumityejada jíta nijyanvajyuu cabyimu, suteda jíta variy: “¿Chira jatyajasiy rachujañiy,

chi?” <sup>31</sup>Ruteda jíta sisa datyavay variy viva: “Tama taji jiñi jnyu riñeyanuma nijyanvajyuu ji, tama, nutyu yitacyu: ¿Chira jatyajasiy rachujañiy, chi?”

<sup>32</sup>Sunuyajada jíta Jesús títaju tajiñechoju sadatyadaju: “¿Chira jatya rañiy, chi?” <sup>33</sup>Nanudatyadanumatiy vaturuyu: “Ramyisama,” nanumuchutyeda variy yintedamu, nanideda jíta variy simu Jesúsntiy,

nanubutyenuvijada variy sanachojuntiyu, nanutuchodama variy sítenu sivara: “Nurya ravychasiy, Nutyityu.”

<sup>34</sup>Suteda jíta Jesús variy nadiva: “Samiy sadajachipiyajadamu jimyisa, Popojuy. Sananuma jiya day; sanumisama. Jasiñuma ramachojirya jdívajada sanajisidyey.” <sup>35</sup>Saniquejadatidye Jesús, ruutijada tuchuvay Jáyrubay rorimysiy yimu.

Rityuchunuvijada siva Jáyrubay variy: “Sadiimya jidyetu. iTaraju yarupanta junañunñi Datyanu nuday, taraju!”

<sup>36</sup>Satuvachodanumatiy Jesúsra rityuchoda, suteda variy siva Jáyrubay: “Ne yanutay ranchiñuday, vinu yajachipiya jije chitya.” <sup>37</sup>Ne savatada jiyada rajuu yisa, vinu Pyítrubay, Santiyácubay, Juánbay jarye, jiryatiy Santiyácubay taryiñi.

<sup>38</sup>Ruutojadanumatiy ramu Jáyrubay roriy, sunuchunuvejada riryansasadede nijyanvay samomu, runachadede variy sivasiy diidabi, jaryi runayada variy.

<sup>39</sup>Sajañuvejadanumatiy rumu, suteda jíta Jesús ruuva: “¿Taraju jiryansa jaryi darya, taraju? jiryatiy jiryinay mitya. Tama diñu sanicha dera, tama, nutyu sani manidyé.” Rityodiyada jíta variy siva. <sup>40</sup>Sajatyadanumatiy jadchiryi, sapucheda variñi sajay, sunoda, sisa vichavanyidyey. Vinu riñiday sapucheda variy dera babyimujy day.

<sup>41</sup>Siredanumatiy variy sajomutuniy dera babyi, suteda siva: “Tadisa

cúmyi.” Nurya jtachadamu suteda Jesús siva: “Pochityu, yiva rítay, yanuma nubesumiy.” <sup>42</sup>Varicharaju sanubeseda, sarupicheda jita variy. Ravichada sanijya, vuyajuy, danijyajuy ranchaju. Rityittada jaryi varidyerya. <sup>43</sup>Suteda jita Jesús variy ruuva: “Ne jiryadatya-dosiy ti pasidyerera.” Suteda jita nadiva sunodabay: “Sanasay jmyicharani jidyetu.”

### Jesús jañuyada Nasaryému

(Matévu 13.53-58; Dúcasíy 4.16-30)

**6** <sup>1</sup>Sayada jita Jesús jadchiy sítenu jimyucadimuju, richiityarijada jita sisa datyavay variyu. <sup>2</sup>Jiituyada rundamuni jita sajotada datyadoda juteryaniyovimu. Rityuvachodanumaty rajuu nijyanvay, rityittada variñi: “¿Tesirya sani datya darya jirya datyadoda day, tesiy? nutyu sadatyanura rajuuracu. ¿Tara datyada sani jmutya yimuju, tara? ¿Nutyichirya sivaay mityamusiy jiyjomututa, nutyichiy? <sup>3</sup>¿Ninija jirajvaañu day, jiryatiy Maríyajudyenuni, jiryatiy Santiyácu taryini, Jusiy taryi jarye, Judásiy, Siimyó jarye sisaju? ¿Va sityamutueda cay, nutyu jiyu jtaday riñicha vuryisa day?” Ne samirya ridiyiyada variy siva nuday. <sup>4</sup>Suteda Jesús variy ruuva: “Vinu taji vichavañi tuvachu simu Judenuju tuchu day, satuunuvichi jitamuy ne tuvachuruy yimu day, satenu jarye ne tuvachuruy yimu, sarorimyu vichavay jarye ne tuvachuruy yimu.” <sup>5</sup>Ne vanay nta sivaañuyada Jesús mityamusiy tara jasiy, mityani sani bañuyada nuñi ti jdivajninchara jiyjomutu, samisadeda variy jasiryi. <sup>6</sup>Satittada varirya jiryatimyu ne rityuvachuruyada simu. Sarabejada jita variy datyadoda nujiypudevajú vichadiva.

### Jesús jpajada tuchuvaryi yisa datyavay

(Matévu 10.5-15; Dúcasíy 9.1-6)

<sup>7</sup>Sanatuyada jita variryi yisa datyavay, vuyajuy danujuy rinchaju, supajada jita variryi nuñi danujumyusiy, tanujuy tajijyu, runujuntyi mujyu day. Sasayada variy jidyetyadaterariy, ratatiy riryajatyantumaya riy bayantuveda jamirya vichavay ruuvasiy nijyanvay. <sup>8</sup>Suteda jita ruuva: “Ne jiryajtu tara yimu jiryupiyadaju, ne vinu ruvese jiryajtu. Ne jiryajtu vinu pa, ne vinu suvo, ne vinu criquiy jiryajtu jicyuriquiy bajyovimu. <sup>9</sup>Jiryantya bay jinmutuvara jinmutujo, jiryajachu jita yivara vinu tajaqui sujacya.” <sup>10</sup>Suteda variy ruuva: “Jiryanimatyi jto vichadamu, jasityi jiryajyasiy variy rorivyimu, jasiñi jiryamacho variy jiryechipyateda rundasaraju vichadamusiy. <sup>11</sup>Jiryatiy jto tavichadamu, netimyu ne riryadireruy jasiy jirye, netimyu ne riryatuvachuruy jiryeñecho, jiryama sipyatay variy jadchintyi, jiryamuchutyara rirujuu riñijyu jinmutuvasiy, riryatidye datyasiy variy rata: ‘Vuryeyasachadamundyerya.’” <sup>12</sup>Riyada jita sisa datyavay, ridyeyanunumayajada variy rumuriy nijyanvay: “Jiryayuma paruy riva taji jachipiyajada.” <sup>13</sup>Rijetyada sisa datyavay variryi rajuu bayantuveda nijyanvayyasiy, rajuu jdivajnuvay jnova rijyuchedara nija, rimyisadeda rata variryi.

### Juán Bautístabay jvachadanchiy

(Matévu 14.1-12; Dúcasíy 9.7-9)

<sup>14</sup>Satuvachoda jamu nutyityu Jeródesberya saticheyada Jesús. Ruteda tavay variy: “Samisasumimya dyette Juán Bautístabay diiyadamusintyique, ramuni sundenumaya mityamusintyi.” <sup>15</sup>Tavay jteda varidye: “Nini

Edíyasidye.” Tavay jtedantidye: “Nini jita sitenu Jüdenuju tuchute day, nutyu tariy Jüdenuju tuchubay sitenuni.”  
<sup>16</sup>Satuvachodanumatiy Jeródesberya, suteda variy: “Jiñu Juánbay, jiryatiy rañi rachata dedara suno, nini misasumintyi.”  
<sup>17</sup>Sajachipiyajada Jeródesbe daryá jiryatiy Jerodíyájube jiyasayadamu siryaniñuyadani Juánbadye, jadchiy jita sabayada nupocu rorivyimuni. Jeródesbe jamuyada nada Jerodíyájube daryaju, jiryatiy sataryi Vedípebe vaturuy nada day.  
<sup>18</sup>Sutañuyada jita Juánbay variy daryaju siva Jeródesbe: “Tama samirya ranicha jityeryi vaturuy jamuyada, tama.”  
<sup>19</sup>Nanuniqueñuyada Jerodíyájube variy sisa Juánbay rayada, naniteda yajvay variñi. Ne vanay nate naniveda variñi, sasuvuyada Jeródesbe daryajuni Juánbay.  
<sup>20</sup>Sadatanuyada Jeródesbe daryajuni: “Nini jita samirya jachityi, ne juuchati risajuni.” Ne suvatyeniryuy nada variñunñi.  
 Satuvachodanumatiy Jeródesbeñi Juánbay, ne sadatyada nutyura saryi jvaay variñuday, nutyura, nutyu sani tuvachoda day samirya sanachocu.  
<sup>21</sup>Ritinuyada jita nanurunda Jerodíyájube, varityi nanachaniy tara nta variñi Juánbay. Ravichada variy sanijya jtojada Jeródesbe. Sabayada jita varirya vichtya, nijyanvay nutyityumiy jbyedaju, sutaru nutyityumiy jbyedaju jarye, Cadidéya mucadi jamu nutyityumijyu jarye titaju ruusaju.  
<sup>22</sup>Sajayadanumatiy Jerodíyájube detubay, sivaayada jitara rayajada variy jasiy. Suncanuyada Jeródesbe jaryi varirya sarayajada, samusuvye jarye jucanuyada varirya. Suteda jita nutyityu Jeródesbe variy siva vatura: “Yajachiñuy rivara ratiy jivyata, ratidye say variy jiirya.”  
<sup>23</sup>Sitenu ritay Jüdenu jtyamu yiva: Taratiy yavata riva,

dañuma dyetya rasay raberya taday titaju ji.”  
<sup>24</sup>Samaseda jita vatura variy jadchiy, suteda variy nadiva yinoda: “¿Tara ravata siva, jayu, tara?”  
 “Juán Bautista jno yavata.”  
<sup>25</sup>Sajatyiyada jayada vanirade simu nutyityuntiy, sajachiñuyada variy siva: “Varenudera ravata yasay Juán Bautista jno ray, sidyepyecyavimu.”  
<sup>26</sup>Sayivatyada jita nutyityu jaryi variyu, jiryatiy sanique jasiy daryaju Jüdenu jtyamuju, rityuvachosiy samusuvye variy jasintiy, ramuni ne sani carerurya jiñiquejada varidye.  
<sup>27</sup>Varicharaju supajadani jnutyi, jiryatiy sasutarumiy tenuni: “Yajirye jiyujura Juán Bautista jno.”  
 Sayada jita, sarachada jitara suno nupocu rorivyimu.  
<sup>28</sup>Saryejada varirya suno sidyepyecyavimu, sasañuvijada jita variy vaturara. Vatura jita sayada variy yinodantidyerya.  
<sup>29</sup>Rityuvachodanumatiy Juánbayjsa datyavay variy ranchiy, riiryijada jita varirya sababyi, rumuchoda jita varirya.

**Jesús potyadeda riy tadajyo  
varanca vaduy**

*(Matévu 14.13-21; Dúcasiy 9.10-17;  
Juán 6.1-14)*

<sup>30</sup>Rityeryada jita Jesús jpvay yimujuntiy, rityuchunuvijada titaju: “Nurya nudyvivaamyu, nurya nudyetyanumuntiy.”  
<sup>31</sup>Suteda jita ruuva: “Jiyuju, jiyuju muy vuryecha, jiryatimyu ne nijyamí junay jasidye, jiryatiy yasiquita vichajo jasidye. Jiryajiituy taraquiju munatya jasiy ratyuunu.”  
 Ramuni suteda ruuva jiryatiy rajuu nijyanvay jtñuyada daryaju ruumu; saya siti, saya siti, nutyichitya riryejmyiryuy nta variy.  
<sup>32</sup>Riyada jita cartyequiivimu, jasityimyu ne nijyamí junay, jiryatiy yasiquita vichajo jasidye.  
<sup>33</sup>Ridiyada jita nijyanvay ruuva riyadamu, ridyetyada

jita jasiryi. Richiichiyajada variy rumu jinnumututa, titaju vichadivasiy variy, riryamichadeda variryi. <sup>34</sup>Ruutanuvejadanumatiy Jesúsveda rumu, ridyiñuvejada ruuva nijyamijuu.

Santyutyuanuvejada Jesús variryi: “Tajnytyiñi carnirumiy rivyicha, ne jnytyitavay.” Jasiy sajotada datyadoda rajuura samirya niquejada variryi.

<sup>35</sup>Riñuvayadamu, ruutijada jita sisa datyavay yimuntiy. Ruteda variy siva: “Jiyuni jita mitya vichajo, jidyenuma day. <sup>36</sup>Yatuchu ruuva nijyanvajyuu riryatidye jiyasiy nudimyu, roriviyiñumuju jarye, jiryatimyu ne ripya darya, jadchityi riryataryuy tara jibyedaju.” <sup>37</sup>Sumutyajada jita Jesús variryi: “Jiryapotyaniy tarata riy nijyanvajyuu.” Ruteda jita variy siva: “¿Nuryityeryuy dyetya darajuy vuyajuchuy pa, ratatiy nuñapotyaniy variryi?” <sup>38</sup>Suteda jita variy ruuva: “¿Nurijyo pa jiryimu, nurijyo? Jiryajnyá.” Ridyetyadanumatiy, ruteda jita: “Tadajoyo pa, danujuy quiva risaju.” <sup>39</sup>Suteda Jesús variy ruuva: “Jiryamasataniy jitariy nijyanvajyuumusiy vatadeca vachuy sununcha.” <sup>40</sup>Rimyasada jita vatadeca variy, tavañi taraqui pacha day, tavañi tadajyo vuyajudye. <sup>41</sup>Sumutyajada jitarata tadajoyo pa, danujuy quivajuy risaju, sunuyada jita jarichunacho variy.

Sichanatyada variñi jijye: “Yentyutyamate pata nuy, Yeye.” Sapatatiyada jitarata pa variy, sasayada jita yisa datyavay varirya: “Jirya jiryasaryi nijyanvajyuu.” Sanantajadani danujuy quivade rijyu, sasayada variy titaju ruuvara. <sup>42</sup>Riibyeda titaju, ripyoyada variy riva. <sup>43</sup>Riryeda jita jtyu panujora pa jve, quivajuve risaju, vuyajuy jtyu, dajtyujuy ranchaju. <sup>44</sup>Jiryatiy riibedara pa rivyichada tadajyo varanca vaduy.

### Sarupiyada Jesús jimityo dutuuvya (Matévu 14.22-33; Juán 6.16-21)

<sup>45</sup>Varicharaju sumusanityadeda riy yisa datyavay cartyevimu: “Jiryanuma jiya rajiju rudamyuju, Betsáyina vichadasaraju, ratuchuchijedyi ruuva nijyanvadye.” <sup>46</sup>Satuchuchedanumatiy ruuva nijyanvajyuu, sayada jita variy jamumusimyuju, satidye tuchu sisa judenu jasiy. <sup>47</sup>Riñupuyadanumatiy, cartyequii vichada jimityojache variy, Jesús jita vichada variy yasiquita siinumu day. <sup>48</sup>Sadiyada Jesús jadchiy variy ruuva yisa datyavay, riñi jantya sayajada sadiya, riicho juriy daryaju jasiryi. Rappatyiryamu jita, sarupicheda variy ruumuju jimityo dutuuvya. Sani ramiryiryayada vaseca ruuva. <sup>49</sup>Runuyadanumatiy sisa datyavarya jiryatiy sarupiyada jimityo dutuuvya, mitya rijechipiyajada variy: “Bayantu dyetya.” Richeñeyajada variy jichuvuyadamu. <sup>50</sup>Tapi ridiyada titaju siva sarupiyadamu, runteda jaryi variy. Varicharaju saniquejada variy ruuva: “Jiryavanutyayu; randye; ne jiryajnutay.” <sup>51</sup>Sumusada jita ruusa cartyevimu, raparuyada riicho variy. Rityittada jaryi varirya. <sup>52</sup>Ne rijechipityada daryaju ramusiy pa jasachoda, jiryatimyu ne radataryuyada rijechiy variy.

### Jesús misadeda riy jdivajnuvay Jenesaryé mucadimu (Matévu 14.34-36)

<sup>53</sup>Riryamityeryijada jita, ruutanuvejada Jenesaryé mucadimu, ripyuchunuvejada jita jasirya cartyequii. <sup>54</sup>Sasubedanumatiy ravimusiy cartye, varicharaju day ridyetyada nijyanvañi Jesús. <sup>55</sup>Richiichiyajada jita titaju rorivya variy, jadchiy jita rijyotada jtodo riy jdivajnuvay variy

rityiryojoncha simujū, jasityi rityuvachoda savicha Jesús. <sup>56</sup>Rumutiy sayaruñuyada Jesús, vichadademu, jamu vichadamu jarye, rorivyinumu jarye, rityojada jita nijyanvay variryi jdivajnuvay pudásamu. Riyasantada varyi jasiñi Jesús: “Dañuma vinu jichujay jidudyenyi riryamutyetye.” Rimyutyedanumaty sasujajidudyenyi, rimiysada jita varyi.

**Nutyuramusiy saminu nijyami  
Judenu diyayu, nutyuramusiy  
(Matévu 15.1-20)**

**7** <sup>1</sup>Riintyeryadeda jita Jesúsnu varyi, Varyisévuedata, Judenu niquejada datyanuvatya, jiryatiy Jerusari vichadamusiy rudedada day. <sup>2</sup>Runuyada jita riñeço Jesúsjsa datyavay tevay, ne rijetyara juuchueda jiyjomutuvasyi jibyedajisyi, jichuutasirata riimyitya darya jiyjomutu day. <sup>3</sup>(Nutyu Varyisévuedatyi, titaju Judiyuedata, netimyu ne riyasuuta samiy jnutyadamusirya jiyjomutu, ne riryemyi varyi, daryamusiy riiryiryi darya tarij jivyichada day. <sup>4</sup>Rudedanumaty jmyichara taryutyajomusiy, netimyu ne rijetya jaatara jiyuuchueda yivasidyidye, ne riimyiy varyi didye. Jasinrya rajuura rivyichadantiy, richuutanuyada varirya jatuvu, jiimo, suutapay jarye.) <sup>5</sup>Jadchiy jita ruutajadoda Varyisévueda, Judenu niquejada datyanuvay jaryeni Jesús: “¿Tajuramuy ne riiryiryi yisa datyavarya tarij vichada, tajju? ¿Tajura riimyitya juuchuedatarara jiyjomutu, tajju?” <sup>6</sup>Suteda Jesús varyi ruuva: “Jiryituyadamu vichavay jiryey. Sitenuni sani tuchoda Isayiyasibe Judenuju jiryenchiy. Sanuyada jita: Jivye nijyanvay jnuvay jiniquejadata rivayu, rijechiy jita ripya rajisyi varidye. <sup>7</sup>Riryadasinu mitya ratyuunuyu jiryatiy

riñi datyadoda nutyu Judenu jteda ranicha dárya nijyami jteda day. Nurya sanuyada Isayiyasibedyerya. <sup>8</sup>Tajjiyuni jiryeyetyara Judenu niquejada day, jiryatidye siityarira nijyanvay tarivye vichada.” <sup>9</sup>Suteda varyi ruuva: “Samiryamusiy jiryaviryutyatityirya Judenu niquejada, tarijyemyi vichasada jiyasachiy. <sup>10</sup>Suteda Muyusésibe daryaju: Vuryantya tuvachu simu vujye, vuryinodamu jarye. Nitiy rajavityiyeni jijye, varimyata sunoda, riryama jvachara varyi riva ni. <sup>11</sup>Jiryeni jita rañi jtay: Saryityi jtay tiqui nijyami siva jijye, varimyata sunodava jarye yajtay: Ne vanay ntate rachej raberyate nundyey ji, tapi Curubánu daryajura. (Jiryatiy raniquesa Curubánu jiyu, jirya jtachada daryá vuryitay vuniiquejadamuju darya: Rintatyasimya siva Judenu darya.) <sup>12</sup>Ramunitimyu ne jiryechetyaniryuy sajay taranudayu, sunoda jarye. <sup>13</sup>Ramunitimyu ne jiryinuryuy ranacho Judenu niquejada nundyey, tarij jiryevyichada jiyadaju, jiryatiy jiryedyetyanu daryi jidyedyeñu day. Jaryi rajuura vichavañite nurya jiryedyevya.”

**Rani jita sitenu samirya jachipiyajada**

<sup>14</sup>Sajatyiyada natuyada riy nijyanvanti: “Jiryatuvachu titaju rimu, jiryatidye datyasyi. <sup>15</sup>Dañuma saryi jmyi nijyami titaju tara, ne sajarapuy rucosidye; jiryatiy rasipyatay sajachivyimusidye, rani jita rajarapanu jaryi varidyeñi. <sup>16</sup>Sama tuvachu minityi tuyuti.” <sup>17</sup>Sayada jita Jesús rityuunusiy nijyanvay, sajanuejada varyi rorivyimu. Ruutajadoda sisa datyavay varyi, datyadoda niquejadiva. <sup>18</sup>Suteda jita Jesús varyi ruuva: “¿Daryani ne datyavatye jiryeyju? ¿Ne jiryinutyeyju, jiryatiy sajmyi nijyami bimusirya, ne sajarapuy suntu rucosidye?”

<sup>19</sup>Dantyamuy ne rajay sajachivyaju day, mitya savimujuni rajadye, jadchiy jita raramijetyityi saquinajyomuju.” Rata sadatyadoda Jesús: “Ne tara jnay jmyicharanuday jiryatij juuchatarara.”  
<sup>20</sup>“Jiryatij rasipyatay sajachivyasiy nijyami, rani jita jarupanu varidyeñi.  
<sup>21-22</sup>Jiryatij rasipyatay sajachivyimusi y nijyami, rani jita rajachipiyataniy nicyaray jvaayadaju dani, ratiy jachipiyataniy jarupanutadeda risaju cadnavedani, paradodaju, nijyami juvedaju, ti vaturujsa rupiyadaju jarye risaju, ti barya vatadaju, niqueyadajachiju, quivuyadaju, nicyaraju, tinacho jnyada jamirya moraju, javityiyeyadaju, jnuvayadaju, datyisaju jarye risaju titaju.”  
<sup>23</sup>Titaju jiryay nicyaray jvaayada sipyatay sajachivyasiy nijyami, rani jita jarupanusara variñi nijyamiday.”

**Nanutuvachoda taji vichada  
 jamunuy simu Jesús  
 (Matévu 15.21-28)**

<sup>24</sup>Sanubeseda jita jadchiy, sayada jadchiy Tíru vichada juroju. Sajayada jita rorivyimu, ne savatada ti radatya jasiyu. Ne vanay nta sadutyada variyu.  
<sup>25</sup>Varenude nanutuvachoda tanuqui vaturuy sanchiy. Savichanuyada jita bayantu jamirya vichara siva nanudetu. Nanideda jita sunoda, nanurañuvijada variy sanumututuunu Jesús.  
<sup>26</sup>Jiñuy vaturuy vichada matyoda, Siruvenísiamusiñuy. Nadayasantadani: “Yajyatani bayantu radyetuvavichi.”  
<sup>27</sup>Suteda jita Jesús variy nadiva: “Riñi deramiy rapoy munatya, ne samirya daryaju vuryasovay ruumusiy deramirya, vuryatidye jatya simu nibyidera varirya.”  
<sup>28</sup>Nanimutyajada jita vaturuy variñi Jesús: “Sitenu day Nutyityu, nutyu sani jmyidye nibyidera rariy misa, jiryatij rijyuchiya deramirya

jmyichara daryuuyyu.”  
<sup>29</sup>Suteda jita Jesús variy nadivantiy: “Jiryay sanuniquejadamu yejiya jiryorimuyju. Sasipyatamya bayantu sanudetuvasiy.”  
<sup>30</sup>Nanujayada jita jiryorivyimu, nanudi-yada siva jidyetu, satiryojada mayancha, sasipyatedama bayantu sivasiy varidye.

**Jesús misadedani tuyupuryi  
 jiryatij jarapuyadara ravichanuyada  
 saniquejada risaju**

<sup>31</sup>Sataryada jita Jesús Tíru mucadi-musi y, Cadidéya jmityomuju, saramiryjada riva Sitú mucadi, vuyaju y jamu vichada mucadi jarye.  
<sup>32</sup>Rutoda jitanij tuyupuryi jiryatij jarapuyadara ravichanuyada saniquejada risaju. Riyasantada jitanij Jesús: “Yabarya jiyomutu sancha tuyupuryi.”  
<sup>33</sup>Saracheda jita tajiñechoju nijyamijuujiñi, siteyada jitarayana satuyuvimu, satocheda yanajcha, sajatyajada sadachiñiy varintiyi.  
<sup>34</sup>Sunuyada jita ranacho jarichu, sanaryeyajada jita variy. Suteda variy siva: “Eféta,” daryatani vuryitarya: “Ramuttay jiiyyu.”  
<sup>35</sup>Varidye ramuttada satuyu, varicharaju raviteda sadachintiyi, raratyeda jita saniquejada variy.  
<sup>36</sup>Subayada jityaju variy riryajisirya tiva tuchoda. Samiñuma sani jubayada riryajisirya, jaryiñuma rityuchoda tiva varidye.  
<sup>37</sup>Jaryinra rityittada varirya. Ruteda jita variy: “Niñi jita sitenute vacha datyara, nutyichitya sani tuvachutaniriyi tuyupuryimyintiyi, niquejasamiy jarye saniquetanij risaju.”

**Jesús potyadeda riy daryaju y  
 varanca nijyanvay  
 (Matévu 15.32-39)**

**8** <sup>1-2</sup>Dajiñuma riintyeryadeda nijyamijuu y, netara jnay vichada tara ruumu jibyedaju. Jadchiy jita

sanatuyada Jesús riy yisá datyavantyi, suteda variy ruuva: “Ray jita jantyutya riy nijyanvay, tapi rimechosiy jiyu mumurundamiñuma risá riy, netara jñay tara riibedaju, mitya. <sup>3</sup>Ratij jpa jachjnumu riryorimuyujyu, riryadiiryo vay nütasa jijechejadamu, jativyepusitya sitasiy ti.” <sup>4</sup>Rumutyajada jita sisa datyavayu: “¿Nutyichiña vuryapotyanyiryi nijyanvay pata, nutyichiy? jiyu yasiquita vichajomu.” <sup>5</sup>Sitajadoda jita Jesús variryi: “¿Nurijyo pa jiryimu, nurijyo?” Rumutyajada jitaní: “Dajojuñijyate.” <sup>6</sup>Samasatadeda jita Jesús mucadincha riy nijyanvay. Saryeda jita dajojuñijyate pa variy jiyjomuju, suteda jita variy Judenunijyu: “Yentyutyamate pata nuy, Yeye.” Jadchiy jita sapatatiyadara pa, sasayada jita yisá datyavay varirya, riryatidye saryi nijyanvay riibedaju; richeyada jita variryi nijyanvay. <sup>7</sup>Jasidye savichada ti quivamidye variy ruumuntiy, suteda jita variy Judenunijyu: “Ranumatera.” Sasatyadeda jita varintyiryi nijyanvantyi. <sup>8</sup>Riibyeda jita variy, ripyoyada jita variy riva. Riryeda jita jtyuvimura riinda machorá, dajtyujuñijyate panujo saraju. <sup>9</sup>Tavaquitya rivyichada, daryajuyu varanca jtaníte nijyamijuucay. Supajada jita variy jadchiryi. <sup>10</sup>Varidye sumusada Jesús yisá datyavatya cartyevimuntiy, riyada jita Darmanúta mucadimuju variy.

**Rijecheñuyada Varyisévueda siva Jesúsntirya jarichumusi mityamusiy judesarantiy**  
(Matévu 16.1-4)

<sup>11</sup>Rudedada jita Varyisévueda variy simuju, riñiquettada variy satayu. Riñi vatanuyada simu Jesúsra, savidye jvaay mityamusiy jarichumusi tara,

riryatidye jantya variy saniy. <sup>12</sup>Sadirya- numa jiñeryeyajada varidye, suteda variy: “¿Taraju rivyata jivye nijyanvarya mityamusiy dityadoda, taraju? Sitenu ritay jiryiva: Tamá rañi saryuy nta tara mityamusiy dityadoda jivye nijyanvayju, tamá.” <sup>13</sup>Satocheda jita variryi nijyanvay, sumusada jita variy ravimu cartyequiintiy, saramityeryijada jidyemyuju variy.

**Varyisévueda datyadoda jiryatiy quivuchodatarara**  
(Matévu 16.5-12)

<sup>14</sup>Rijechipucheda darya pa day, vinu tajoquiní vichada cartyequiiivimu varidye. <sup>15</sup>Suteda Jesús variy ruuva: “Jiryinutayatata Varyisévueda carivatyajisiyu, Jeródesbe carivatyajisintiy.” <sup>16</sup>Ridiryra jiñiquettada sisa datyavay varidye: “Sutay dyetya Jesússte dacyu, jiryatimyu ne patavay vuñichanuday.” <sup>17</sup>Sadatyada Jesús varidye, suteda jita ruuva variy: “¿Taraju jiryeniquettayu, taraju? jiryatimyu dyetya ne patavay jiryedye. ¿Ne jiryedyetyate didyejyuú? ¿Ne jiryedyetyaruy nta? ¡Jaryi surraníte jiryechitye taju! <sup>18</sup>iNutyu nisityavadye rinuy jiryenicha, jiryemya jnyu! iNutyu tuyuvuditavadye jiryenichantiy, jiryemya tuvachu! ¿Ne jiryechipityate nunrya, jiryatiy rapyatatichiy jiryivara tadajoyojo pa, tadajoyo varanca vadujyu? ¿Nurintyu panujo jiryatosirya pa patatichara, nurintyu?” <sup>19</sup>Rumutyajada jita variñi: “Vuyajujtyu, dajtyujyu ranchaju.” <sup>20</sup>“Jiryatiy rapyatajay jiryivara dajojuñijyate pa, daryajuyu varanca nijyanvayju, ¿nurintyu panujo jiryatojarya rinda, nurintyu?” Rumutyajada jita variñi: “Dajtyujuñijyate.” <sup>21</sup>Suteda jita variy ruuvantiy: “¿Ne jiryedyetyate didyejyuú?”



### Jesús mįsadedanĭ nįsipuryi

<sup>22</sup>Ruutojada jĭta Betsáyina vichadamu. Ruutiĭtada jĭta niĭyanvañĭ nįsipuryi simu, riyasantada variy jasiñĭ: “Yajatyá saniy.” <sup>23</sup>Siricheda sajomu, samutacheda jĭta vichadajisiy tajiñeĭchoju variñĭ. Satochedanumatĭy sanįsimyu, sabayada jĭtara jĭjyomutu variy sanchantiy; sitajadoda jĭtani: “ĭJidyĭ vĭde tariva?” <sup>24</sup>Sunuyasubedanumatĭy suteda variy: “Radyiñuma ruuva vaduy, nuĭtyu nutasaranuva radyi ruuva, riryupiñumaya.” <sup>25</sup>Sajatyĭiyada bayada jĭjyomutu sanįsimyuntĭy, varĭdye jĭta sunuyasubeda vanda variy. Raratyeda jĭta sanįsiy variy, sunuyada jĭta tĭtaju samiy varintĭy. <sup>26</sup>Supajada jĭta Jesúś variy sarorimyuĭyuy, suteda jĭta variy siva: “Ne vinu vichadamu yajtojasĭy.”

### Pyĭtrubay jteda vĭjyomujache

Jesúśva: “Jĭdenu jaryetĭ jĭ”

(Matévu 16.13-20; Dúcasĭy 9.18-21)

<sup>27</sup>Sayada jĭta Jesúś yĭśa datyavatya, Sesaréya Vidĭpu vichada ĭurora vichada muriyudera. Sitajadoda nŭtasa riryupiĭjyomuy: “ĭNuĭtyura riñique niĭyanvay raynĭchĭy, nuĭtyura? ĭChĭra ruĭtarye, ĭchĭ?” <sup>28</sup>Rumutyajada jĭta variñĭ: “Juán Bautĭstabay ruĭtay jĭ, tĭnĭ jtay: Edĭyasidye jĭ, tĭnĭ jtadye: Niñĭ sanĭchava dyetya Jĭdenuĭjĭ tuĭchuvay tenu.” <sup>29</sup>Sitajadoda rĭy yĭśa datyavay variy: “ĭVa ĭjryeque? ĭChĭra ĭjryĭtadyerye, ĭchĭ?” Sumutyajada jĭta Pyĭtrubañĭ: “Jiñĭ rañĭcha Jĭdenu jaryetĭ day.” <sup>30</sup>Subayada Jesúś rĭryajĭsĭrya niquejada tuĭchoda: “Ne ĭjryatĭchosĭy tĭdevara ravĭychada, nuĭtyu ray vichada daryá.”

### Jesús tuĭchoda ĭĭbetyedajĭju

(Matévu 16.21-23; Dúcasĭy 9.22)

<sup>31</sup>Sajotada jĭta datyadoda rĭy: “Niĭyamĭdenu raparuĭtyajayasaray.

Riryarrachu rimyĭtyumĭy variñĭ, caserđo tevyeda nutyĭtyumĭy, Jĭdenu niquejada datyanuvay jarye rarrachunĭ. Riryajvay variy rivani, rurundamunuma jĭta samįsasumintĭy.” Tĭtaju vĭjyomujache saniquejada varĭrya niquejada.

<sup>32</sup>Saracheda jĭta Pyĭtrubañĭ Jesúś tajiñeĭchoju, sajotada jĭta niĭquetyada variñĭ: “Ne yanique jĭta daryá.”

<sup>33</sup>Sanumityeda jĭta Jesúś, sadiyadanumatĭy variy ruuva yĭśa datyavay, sanĭquetyada jasiñĭ Pyĭtrubay: “Yabay rajĭsiy, Satanásĭy. Ne ĭjĭechĭpityara Jĭdenu jachĭpiyajada. ĭjĭechĭpiya nuĭtyu niĭyamĭ jachĭpiya daryá.”

### Nuĭtyuramusĭy vuryĭchiĭtarĭni

Jesúś, nuĭtyuramusĭy

(Matévu 16.24-28; Dúcasĭy 9.23-27)

<sup>34</sup>Sanatuyada jĭta rĭy niĭyanvayyuu, siśa datyavay jarye, suteda jĭta variy ruuva: “Saryĭtyĭ siĭtyarĭruy tĭ ray, sama paruĭ rĭva vĭvaaryuyada, sama nichujaya ntar ĭjcyurusĭy, ĭjryatiy śabay nuĭtyu diñnyu, ne śarĭryĭ varĭrya taryĭ ĭjvyĭchadanuday, satĭdye siĭtyarĭ varĭrye. <sup>35</sup>Tapi mĭnĭtyĭ ramĭtyanĭryurya yĭnuĭyada, śapachĭtya varĭy mĭtyara; mĭnĭntĭy jĭta paĭchĭtyara yĭnuĭyada rayadaju, samĭtuĭchoda ĭiyadajuntĭy, śaramĭtyanĭy varĭrya yĭnuĭyada.

<sup>36</sup>ĭTarajura saryĭcyañay niĭyamĭra criquĭy tĭtaju vichadivasidye, taraju? saryĭtyĭ caray varĭy rajĭsintĭy. <sup>37</sup>ĭTara murĭchĭryana śataryuy yĭnuĭyadaju, tara murĭchĭrya? <sup>38</sup>Jaryĭ vuyĭnuĭyada ramuvye niĭyanvay diye rundamu day, juuchataway jarye risaju rĭy. Rĭvyĭchehavañĭ niĭyanvay diye dayu. Mĭnĭtyĭ rĭtyenu rajada rĭva, rañiquejada jarye, daryaday śajada Niĭyamĭdenu varĭntyĭdyeñĭ, sanumatĭy ĭutĭ ĭjyujuntĭy, samĭy ĭdutyasĭ saĭay vandanubedayu, mĭtyĭjĭy ruusa Jĭdenu ĭpavay.”

**9** <sup>1</sup>Suteda jita variy ruuva: “Sítenu rítay jiryiva: Jiyu daryi jiryetyevay nijyanvay jiryatimyu ne riryadatyara diiyada, netimyu ne ridyi munatya riva Jüdenü nusuyada didye jiryatyi riti jivyanuyadata.”

**Jesús títuyadanchiy**

(Matévu 17.1-13; Dúcasiy 9.28-36)

<sup>2</sup>Jadchiy jita tarundaquinijyatemusiy, Jesús jarayada yisaju riy Pyítrubay, Santiyácubay, Juánbantiy. Saracheda jita jamumusimiyuju riy, rivyichada jita nuñi riy yasiquita taraquiju jasiy. Satítuyada Jesús ridiyadajache variy. <sup>3</sup>Sasujay jita vichada jaryi vandajay, jaryi pupajay risajura, ne ti pupáchodasara jiryatyi mucadiva vichini, nutyu sasujay daryá. <sup>4</sup>Mityamusiy samutijada Ediyasiy bayanu, Muyusésibe bayanu jarye sisaju, jiryatyi nanutuchoda Jesúsjsá. <sup>5</sup>Suteda jita Pyítrubay variy siva Jesús: “Ta jaryi samiryanite nujyute jiyu, Datyanu. Nuñama sutay mumutamyi: tataqui jijyu day, da tataqui Muyusésijyu, da tataqui Ediyasijyuntidye.” <sup>6</sup>Ne sadatyanuyada Pyítrubay daryaju tara sajta, jiryatyi richuvuñuyada daryaju sisa datyavay. <sup>7</sup>Racanutudoda virisumarya variy jasiryi. Rarayada jita niquejada virisumaryanubesiy variy ruumu: “Jiñu jita radyenu jaryi vatasi. Jiryama tuvachu simu.” <sup>8</sup>Mityamusiy runuyajada yiro, ne runuyada tinacho, vinu Jesúsnacho runuyada yisa.

<sup>9</sup>Rumusadanumatyi jamumusimiyusiy, subayada jita Jesús variy riryajisirya tuchoda: “Ne jiryatuchu didyerya jiryatyi jiryedyiasiy riva. Vañuma jiryatuchura, sanumatyi misa Nijyamidenu diibyimusiy.”

<sup>10</sup>Rityuvachoda variy simu day, rijechipiyanuyada variy: “¿Tara sani jtay daryaday, jiryatyi sutay samisa

diibyimusintyi, tara?” <sup>11</sup>Ruutajadoda jita variñi: “Nutyura rutay Jüdenü niquejada datyanuvay: Niniday Ediyasiy raryi jniy jotada.” <sup>12</sup>Suteda jita variy ruuva: “Ediyasiy sítenu rajniy munatya satidye ratyanu titajura tara. ¿Nutyura riñuyada Nijyamidenunchintyi, nutyura? jiryatyi saparutyajayasarayü, riryajavityiyechara nijyanvay risajuni Nijyamidenu. <sup>13</sup>Rítay ray: Sítima jita Ediyasiy, rivyichanichiy rumu tarani, daryatyi rivyichaniryuchidyeñi, daryatyi ravichada sanuchara dacyu.”

**Jesús misadedani dera jatayani,  
jamiryanu bayantuti**

(Matévu 17.14-21; Dúcasiy 9.37-43)

<sup>14</sup>Sitijadanumatyi Jesús yisa datyavay tevay machovamyuntiy, ridyinuvejada tavay nijyanvay ruusa variy, riñiquettada Jüdenü niquejada datyanuvay variy jasiryi. <sup>15</sup>Varidjera ridiyada variy siva, mitya runuchadedada variy samomusiy, richiicheda variy simuju, rimyuchuvañuvejada variy jasiñi. <sup>16</sup>Sitajadoda Jesús variryi: “¿Tarivara jiryeniquettayu, tariva?” <sup>17</sup>Sumutyajada jita nijyanvay tenuni: “Ritósini radyenu yimuju, Datyanu, bayantu daryaju siva, jiryatyi niquejasani. <sup>18</sup>Nutyijiniñintyi siriy bayantunicu, jasiy sajatya mucadinchani, rajippudivay variy suto, sasuy jijyadajcha varintyi, satiñuchiy variy jasiy yiva. Rañi jiyasantasiryi yisa datyavay: Jiryajatya radyenuvasiñi bayantu, ne rijetyadasara nta sivasini, tii, mitya.” <sup>19</sup>Sumutyajada jita Jesús variryi: “Jiii, tara nijyanvay tuvachusa jiryeniñicha day, tara. Ne samiy jachipiayay jiryey. ¿Nuriryundasarañu rajachiniy jiryisa ray, nuriryunda? Jiryayuma puchiy rimujuni derapu.” <sup>20</sup>Ripyucheda jita variy simujuni. Sadiyadanumatyi bayantu variy siva Jesús, varidye satiyatadedani derapu. Sanoteda jita derapu variy

mucadincha, sasiichinujajada variy jasiyu, ramaseda variy vajippudi sutosiy.

<sup>21</sup>Sitajadoda jita Jesús variñi sajay: “¿Tariñuma viy daryani?” Suteda jita sajay variy: “Vadinumusidye savicha daryaday. <sup>22</sup>Rajuuranuma rañi jatya jiidamyuni, jaamu jarye, jiryatiy saparutaruy jasiñi. Jiryityi vichaniryuy tara ntani, yajantyutyantidyenicyu. iYajmũta nuy quiii!” <sup>23</sup>Suteda jita Jesús siva: “¿Tarajuna yitay riva: Jiryityi vichaniryuy tarani, taraju? Sajutyi tuvachu rimu, ¿nutyuramumuy ne rachaniy tarani, nutyuramu?” <sup>24</sup>Varidye jita sasañeyajada derapu jay variy: “Ratyuvachu day yimu, yajmũtavajura ratyuvachoda yimu.”

<sup>25</sup>Sunuyadanumatiy Jesús richiityityi nijyamijuu jiñechoju, riintyeryadeda variyu, saniquetyada variñi bayantu jamirya vichara: “iYasipyatay ritedamu sivasiy ji, ne yataryo junay sivajunuday, bayantu niquejasa, tuyupyuryi rapurya!” <sup>26</sup>Jadchiy jita sasañeyajada variy, sattiyanijadanutumatiy varintyini, jadchiy jita sasipyateda variy sivasintyi. Samachojada jita derapudera nutyu diiby variy. Rajuu nijyanvay jteda variy: “Diiñunuma day.” <sup>27</sup>Sireda jita Jesús variy sajomutuniy, sanubesityadeda variñi, saradesubeda jita variy.

<sup>28</sup>Sajayadanumatiy Jesús variy rorivyimujū, ruutajadoda jita sisa datyavay variy jasiy yasiqitayū: “¿Nutyuramunamuy ne vanay nujetya nuntidyenī bayantuntidye, nutyuramu?” <sup>29</sup>Suteda variy ruuva: “Ne vanay sasipyatay dañu, netimuy ne vutyuchosiy munatya sisa Judentu.”

**Jesús jatyyada tuchoda jibetyedajijuntiy**  
(Matévu 17.22-23; Dúcasiy 9.43-45)

<sup>30-31</sup>Sayada jita Jesús yisa datyavatya, rityiryorijada jita variy Cadidéya mucadiva. Ne savatanuyada Jesús

riryadatya nijyanvay: Jasiryi Jesúsveda, tapitya sadatyanunuyada munatya riy yisa datyavay. Sutañuyada jasiy ruuva: “Sasaçhara tñi Nijyamidenu, nijyanvay jomu sasañi, riryajvay variy jasiñi. Mumurundamimysiy sadiiyadivasiy, yamisasumintyi.” <sup>32</sup>Sisa datyavay ne datyanuyadara jiryatiy suteda daryá, richuvuñuyada jtajadodantiñi Jesús saniquejadanchiy.

**Chira sanjcha jaryiñu Judentu diya, chi**  
(Matévu 18.1-5; Dúcasiy 9.46-48)

<sup>33</sup>Jadchiy jita ruutojada Capernavú vichadamu, rivyichadanumatiy rorimuy, sitajadoda variy jasiryi: “¿Tarajuna jiryeni niquettatityi núvayu, taraju?”

<sup>34</sup>Rindasada jita variy, jiryatiy riñiquettatityiñuyada daryaju núvayu: “¿Mira jaryiñu vuquebyimu, mi?”

<sup>35</sup>Samasajayada jita Jesús variy, sanatuyada jita variryi yisa datyavay vuyajuy, danujuy rinchaju. Suteda jita variy ruuva: “Minityi racharuy jaryiñu, ne jaryiñu sabay ruumusidyeyu, tñajū nijyamī nusuyasijū sabay variyu.”

<sup>36-37</sup>Sireda jita Jesús variñi derapuntiy, saranityadeda ripyarudamu jasiñi, samariyada jita Jesús variy jasiñi, suteda jita variy yisa datyavavya: “Minityi radiryeni deradera nutyu jiñu, rityamu, niday radiryey varintyiryey. Minityi radiryey variryey, va ray sani diryeyay, jiñu sadiryey day, jiryatiy supajada jiyujū ray.”

**Minityimuy ne jiyaronu jiryey, niñi**  
**vichasara jiryeyadaju rañu**  
(Dúcasiy 9.49-50)

<sup>38</sup>Suteda jita Juánbay variy siva: “Muy nudyi siva tiqui nijyamī, sajatyani bayantu yityamu, Datyanu. Ramunityi nuñibayasij sajisirya: Ne yajatyani bayantu Jesús jtyamu, tama jiñi siityari nudyisa daryajunī Jesús, tama.”

<sup>39</sup>Suteda jita Jesús variy: “Ne jiryajbay sajisirya nityi rajvaay mityamusiy tara rityamu, tapi ne sanique vacha varenu rañijyu. <sup>40</sup>Nityi ne vichaniy vuryeyaroju, nini jita vichasara vuryisaju. <sup>41</sup>Ritay sitenu jiryiva: Minityi rasay jaa jiryatodajuy, vinu jiryatiy jiryeñi dyetya Cristu siityarivay daryaju day, niniday rajmutya darya ramurichirya day.”

**Jaty vucyare jitateni ti Judenu nujisiy**  
(Matévu 18.6-9; Dúcasiy 17.1-2)

<sup>42</sup>“Minityi racare rajisiy Judenu núquini jiñudera, nityi rañi tuvachu rimu nutyu derapudera, samiryavaju jita raryicha saju, riryityi puchu nijyanvañi ravichusuma sapitasa, riryi jatya jita variy jamu navajachen. <sup>43</sup>Nutyu raniday jiyomutu rañi care Judenu nujisiy ji, ne jiryecharaju. Samiryavaju daryaju jiiyu yajiya junare jnujyomuju jomutuvu, jiñuma jiya darajuy jomututi jiidatyomuju, jiryatimyu ne rariryisara jiiday jasiy. <sup>44</sup>Jasiñimyu ne sadiichara chapinu, ne rarichara jiiday variy jasintyi. <sup>45</sup>Nutyu raniday jiñumutu rañi care ji, ne jiryechantiryaju. Variñi jita yajiya junare jnujyomuju numutuvu, riñuma jatya darajuy numututi jiidatyomuju ji. <sup>46</sup>Jasiñimyu ne sadiichara chapinu, ne rarichara jiiday variy jasintyi. <sup>47</sup>Nutyu raniday jiñisiy rañi care ji, ne jichityara jiñisityadintijyuu, ratatiy yajay Judenu nusujyomuju nisijyo, riñuma jatya dasijyuy nisityi jiidatyomuju ji. <sup>48</sup>Jasiñimyu ne sadiichara chapinu, dantymyu ne rarichara jiiday variy jasintyi. <sup>49</sup>Tapi titaju nijyamí rativyinsa jiidatyayu. <sup>50</sup>Tivyí jita samirya; varityi jita raryi baryi rativyijyúvyeda, çtaratana vuryataryatanirya rativyijyúvyedantiy, tarata? Jiryama vichasara tivityavay Judenu diya

samirya vichasajaju, daryantiy jiryama vichasara samirya nuñi jirye variy.”

**Jesús datyadoda tovajadanchiy**  
(Matévu 19.1-12; Dúcasiy 16.18)

**10** <sup>1</sup>Sayada jita Jesús variy jadchiy, sitojada jita Judéya mucadimu variy, Peréya mucadimu jarye. Jasidye riintyeryadeda nijyamijuu variy simuntiy; jasiy sadatyadoda varintyiryi, tapi savichadanuma daryaju dayu.

<sup>2</sup>Varyisévueda judeda variy simuju, ruutajadoda jita yantajaju variñi: “¿Samirya vidye satova tiqui nijyamí nada jivyaturuy?” <sup>3</sup>Sumutyajada jita variryi: “¿Nutyura suteda Muyusésibe ruuva, nutyura?” <sup>4</sup>Rumutyajada jita variñi: “Muyusésibe nutyanichedara catera tova, satidye tova nijyamí nada jivyaturuy variy.” <sup>5</sup>Suteda jita Jesús variy ruuva: “Jiryatiy surra daryajura jiryechiy, ramunítyi sasacheda Muyusésibe jiryeyura.

<sup>6</sup>Sajotadanumatyí judejada Judenura tara variy, sundejada jitani vanu, vatura sisaju. <sup>7-8</sup>Ramunítyi satochiy vanu nada yinoda, sajay jarye, satidye vichasara sisa jivyatura, danujumyusiy nanacha tiqui variy. Ne danujuy variñada nundy, tiqui ntanuma nanacha varidye. <sup>9</sup>Ramunítyi jiryatiy sabayada Judenu daryá, satiy jamuchara vanu vaturajsa, ne satovataniy ti savaturayu, mitya.”

<sup>10</sup>Ruutajadoda jita sisa datyavay junay rorimyu ranchintyi. <sup>11</sup>Suteda jita variy ruuva: “Minityi tovanada jivyaturuy, saryityi jamuy variy ti nadivasintyi, sajarupanu variy ratara jivyaturuy vichada titaju nijyanvay diya, jiryatiy riyadiy variy nadiva nutyu jmuchanutanuñada. <sup>12</sup>Daryaday naryityi tova vaturuñi jivyanu, naryityi jamuy variy ti sivasintyi, nanajarupanu variy ratara jivyanu vichada titaju



varimyata sandiy, samituchoda jiyasachiy jarye satochichara riy, saday jmutya taraqui pachaju rubivaju diye: rorivyinu, sataryijuu, siyamutujuu, sunodaveda, sadadyenujuu, sandivyicha jarye titaju risaju.

Riryajarupantajayasara nijyanvay variy risajuni, tarundamunuma jita sajmutyasara junareju jnyada ranchajuntiy. <sup>31</sup>Jaryi taratavay tevay ranchasara ne taratavay; jiryatimyu ne taratavadyeryi, rityevay jita racha jaryinuvey varintyide.”

**Sajatyiyada tuchoda Jesús  
jibetyedajijuntiy**

*(Matévu 20.17-19; Dúcasiy 18.31-34)*

<sup>32</sup>Riyada jita variy Jerusari nachoju, munuma saya nta Jesús varidyeryi. Rityitada jita sisa datyavay varirya, jiryatiy rudeda rusidye, riñi jita jnutañumaya varidye. Saracheda jita varintyiryi sisa datyavantiy, vuyajuy danujuy rinchaju, sajotada tuchoda jasiy ruuva: “Nurya riryechaniry.” <sup>33</sup>Suteda jita: “Vuryasumiñuma jita Jerusarimuju. Nijyamidenu jita racha sachí caserdótevyeda nutyityumimiyu, Judenu niquejada datyanuvamyu jarye, riryabay jita diiyasiju variñi. Jadchiy jita riryasay variy mamyimyuni. <sup>34</sup>Riryajarupantani, riryajtochiye variy siva, riryamusiy varintyini, riryajvay titaju variñi; jadchiy jita mumurundamimiyusy samisasumintiy.”

**Sebedévubay denujube jachiñuyada  
tara siva Jesús**

*(Matévu 20.20-28)*

<sup>35</sup>Jadchiy jita nanuvichada Santiyá cubay, Juánbatya, jiryatiy Sebedévubay denujubeñada, nanutuudiyajada variñi Jesús. Naniteda jita variy siva: “Navyata yajvaay najyuu tara, jiryatiy najechiñuy yiva darya,

Datyanyu.” <sup>36</sup>Suteda jita nadiva: “¿Taraná sanuvata rajvaay sadaju, tara?” <sup>37</sup>Naniteda jita variy siva:

“Yamasaniy tiqui natye yintyityudamyuju, jiñu jita ramasa jimydámyujuntidye, yinsujyomu.”

<sup>38</sup>Suteda jita Jesús nadiva: “Ne sadadatyara tara sadajachiñuy riva. ¿Sanavidye jachiniy rajjuura jantyadaju dayu, nutyu ratyi raparutyajayasara darya ray? varimyata ¿sanavidye jachiniy jtyadoda ntaju dayu, nutyu ray rajtyuy nta daryantidye?”

<sup>39</sup>Naniteda jita varidye: “Neviy nañajuú.” Suteda jita Jesús variy nadiva: “Daryaday sanaparutyajayantidyeyu, nutyu ratyi raparutyajayantidyerye, daryaday sanajtyuntidyeyu, nutyu ratyi rajtyuy nta daryantidye. <sup>40</sup>Tama vanay nta rabe rayntyityudamyuju masadaju ji, tama, dantyamyu ne ramydámyuju. Rijyu jita ranchasara jiryatiy masisavadyeryi.”

<sup>41</sup>Rityuvachodanumatiy vuyajuy nanutevarya darya niquejada, riñiqueyada jita nadisa Santiyácujube, Juánbatya variy. <sup>42</sup>Jadchiy jita sanatuyada Jesús riy, suteda jita jasiy ruuva: “Jiryedyetya jiryatiy rutay may nutyityujuu riy, riñi jpa jaryiryi jiryenu mamyi. Nitiy vichasara jaryi mamyi nutyityunubesiy, niñi nusuchara jaryiryi jityevay. <sup>43</sup>Jiryequemyimu jitamuy ne raryicha darya. Minityi jita rcharuy jaryinu jiryimusiy, sama jvaay nutyu jiryemyuchechiy. <sup>44</sup>Minityi jita rcharuy jiyanti jiryimusiy, sama vichasara titaju nijyamiju jvaayasiju. <sup>45</sup>Tapi Nijyamidenu nita ne sudeda satidye vichasara rajuu muhechimyityi; sudeda jita satidye vichasara vuryimutyijuntidye, satidye sarya yinuyada nijyanvayyuu jiyadaju variy.”

**Jesús misadedani Bartimévubay  
nisipyuryi**

(Matévu 20.29-34; Dúcasíy 18.35-43)

<sup>46</sup>Jadchíy jíta ruutojada Jericó vichadamu. Sayada Jesús jadchintiy, Jericó vichadamusiy, sísá datyavatya, rajuuvay tavay nijyanvay jarye. Samasada jíta nisipyuryi nútuvarya rimyomu, jasityi sajachiññuyada tara ruuva nijyanvay. Sitya vichada Bartimévu, jiryatiy Timévubay denuní.

<sup>47</sup>Satuvachodanumatíy nisipyuryirya saticheyada: “Jativenumaní Jesús Nasaryémusi,” sajotada sañeyajada variy: “iJesús, Davyíbe jasi, yajantyutyate ray!”

<sup>48</sup>Riñiquetyanuyada rajuuvay nijyanvay variñi: “iYandasa! ¿Taraju jñatuyeyenchani, taraju?” Sanatuyeyada jaryi varidye: “iDavyíbe jasi, yajantyutyate ray! iYajantyutyate ray!” <sup>49</sup>Saraniñuvijada jíta Jesús variy jasiy, suteda jíta variy: “Jiryatanuyani.” Jadchíy jíta riñatuyadani: “Ne yasuvuy; yavajuni vanútya ji; yanubesumiy, ne yinuy sanatudye ji.”

<sup>50</sup>Varicharaju sajatyadara jichujacya, sanubesubeda jíta rayadamusiy, sayada variy jadchíy Jesúsmuju. <sup>51</sup>Suteda jíta Jesús variy siva: “¿Nutyura jivyata rachaniy ji, nutyura?” Sumutyajada jíta nisipyuryi variñi: “Rinuyasumiryuy junadye, Datanu.” <sup>52</sup>Suteda jíta Jesús variy siva: “Yanuma jiya day, jimíysamá day, jiryatíy ranuyuma jityuvachoda yiva.” Varicharajude raratyesubeda sanísiy varidye, sunuyadama samirya varidye, sasiitarijada jíta variy núvani.

**Jesús jayada Jerusarímu nijyanvayuu  
jchanayadamu**

(Matévu 21.1-11; Dúcasíy 19.28-40;

Juán 12.12-19)

**11** <sup>1-2</sup>Rityuudiyadanumatirya Jerusarí, Betuváje vichada rapuryade jarye, Betániya vichada

rapuryade jaryentiy, Odivu musiqui tuunu, supajada jíta Jesús nada yisá datyanujyuy: “Muy sanajiya vichadademu jiryatiy vucharara, saditojadamu yadiñuve siva cavañudenu puchusi, jiryatimyu ne ti jasumiy sancha didye; sanavitasiy variñi, sanajirye variy jiyujuni. <sup>3</sup>Titiy rajtay sadiva: ¿Tajura sadivañi, tajú? Sanajmutyajasiy variñi: Nutyityu vatani. Varidynuma sataryataniñi.” <sup>4</sup>Nadayada jíta sísá datyanujyuntiy, nanudiñuvejada jíta siva cavañudenu puchusi, vichada cabyimu, núqui jimudchodera, rorijyutuunu. Nanuvitada jíta variñi. <sup>5</sup>Rityi vichada jasiy, ruteda jíta variy nadiva: “¿Tarajuna sani vitani, taraju?” <sup>6</sup>“Jesús jtedamujuu” nanimutyajada variryi. Ripyaruyada jíta variy nadiva. <sup>7</sup>Jadchíy jíta nanitoda variñi cavañudenu Jesúsmuju; nanujatyada jítara jichujajyuu variy sancha, cavañudenu, sasubeda jíta Jesús variy sancha. <sup>8</sup>Jadchíy jíta rijetyada rajuu nijyanvarya jichujajyuu núva, tñi rachada varirya nutasarajii títaju vitara nudimysidye, ribetyityiyada núvara, rivatidye sarupitya cavañudenuní Jesús. <sup>9</sup>Rityi jiyada jotada sajiju, rityi judeda susintiy, riyarovayatityiyada títajumusiy variy: “iSamirya racha vuvichada! iChanatyasi jíta sitenuní, nitiy niy Nutyityu jtyamu! <sup>10</sup>Vuryanuma jchanatya daryá, daryatíy ravichanuyada vujyapabay Davyíbe nusuyada day, jiryatíy ranuma vichasumintiy. iSamirya vichasada rachasaraté jarichumu!”

<sup>11</sup>Jadchíy jíta sitojada Jesús Jerusarímutiy, sajañuvejada jíta Judenunijyú jachipiayajovimuntiy. Sunuyada jíta ranacho ratiy ravimu títaju. Sayada jíta jadchintiy Betániya vichadamuju, vuyajuy sísá datyavatya, danujuy rinchaju, jidyenuma daryaju varirya.

**Jesús niqętyadara jıgunu jiryatımyu ne jarya ravichada daryaju**

(Matévu 21.18-19)

<sup>12</sup>Rurundamunuma, ruđedanumatıy Jesúsveda Betániya vıchadamusiy, sajachıjada Jesús varıy. <sup>13</sup>Sadiyada jıta Jesús ripya rıva jıgunu, vıtara, sayada jıta ranacho, jotara dyetya diyera. Sitojada jıta ramu ranu, vinu ravıjuunıy rancha day, jıryatımyu ne ravıchada rajayada runda varıdyıdye. <sup>14</sup>Suteda jıta Jesús varıy rıva jıgunu: “Ne tıde raturıcharanudarya jıjyo nundye.” Rıtyuvachoda jıta sısa datyavay varıdyerya sanıquejada day.

**Jesús jatyada rıy taryutyavay Jüdenu nijyu jachıpiyajomusiy**

(Matévu 21.12-17; Dúcasıy 19.45-48; Juán 2.13-22)

<sup>15</sup>Ruutojada jıta ramu Jerusarıntıy. Sajayada jıta Jesús Jüdenunıjyu jachıpiyajovımuntıy, sajotada jıta jatyada varıy jadchıryı rıtyı taryutyada tara jasıy, rıtyı taryuyada jadchıntıy. Sanotajajada jıtara criquıy tarıtanıvye mısa varıy, sanotajajadantırya putuvınu taryutyavay masajontıy. <sup>16</sup>Suteda jıta varıy: “Ne tı raramıjetyara tara jıyu.” <sup>17</sup>Sadatyadoda jıta varıy jasıryı: “Nevıy nučhara: Rıryajtcharara raryorıque: Ranı rıchasara Jüdenusıa tuchujo, tıtaju nijyanvajyu. Jırye jıta bachara paranujoju darya.” <sup>18</sup>Rıtyuvachoda jıta caserdótevyeda nutıtyumırya, Jüdenu nıquejada datyanuvay jarye, rıñı vatada jıta varıy: “¿Nutyıchırya vuryajvañı, nutıchıy?” Tapi rıchuvunıuyada daryajunı Jesús day, rıtyıttada daryaju nijyanvarya sadatyadoda. <sup>19</sup>Ravıchadanumatıy jıdye varıy, rıyada jıta Jesúsveda jamu vıchadamusiy.

**Rasusayada jıgunu**

(Matévu 21.20-22)

<sup>20</sup>Rıryamıryıjadanumatıy núva rasacharademı, rıdyıryıjada jıta rıva jıgunu, rıdııjeyadama varıy, runtıy jarye sısaju. <sup>21</sup>Sunuyadamı, jıjechıpyada Pyıtrubay varırya, suteda jıta varıy sıva Jesús: “Yajnuy, Datyanı, jıryatıy jıñıqętyajarya jıgunı, rıdııñuma day.” <sup>22</sup>Sumutyajada jıta Jesús varıryı: “Jıryamaı tuvachu jıjechıtya sımu Jüdenı. <sup>23</sup>Rıtay sıtenu jıryıva: Tıtıy rajtay rıva jırya jamumusiy: Yanıma bay jadchıdye, jamı nıvamu yajatyanıve jı, daryanı rıcha sıju varıdye, sarıyıtıy tuvachu jıjechıvyımu ramıcu. Sarıyıtıy jachıpya jıjechıtya day: Ravıdye vıchavate daryı, ne dyetyate rıchate darya. <sup>24</sup>Ramunıtıy rıtay jıryıva: Ratıy jıryajachıñıy Jüdenıva, jıryatıy jıryetyuchu sısa ranchıy, jıryamaı tuvachu ramı, jıryatıy jıryımutyamara, darya rıchasara varıy jıryejuı day. <sup>25</sup>Jıryeñumatıy ranıryara Jüdenısa tıchoda, jııryıtıy jachıpya tara tı jıyarıju, yaramıtyanıy varıdye sıvasırya, daryaday saramıtyanıy Vıjye Jarıchımıvıchı yıvasırya jıjıyüchıvede jıjıyuntıdye. <sup>26</sup>Netımyu ne vuryaramıtyanıy sıvasırya tara jıryatıy sıvıchanıy tara vıy, dantıyamıy ne saramıtyanıy Vıjye Jarıchımıvıchı vuryıvasırya vıjıyüchıvede vıjıyuntıdye.”

**Chı jtedamıju sıvaayada Jesús**  
(Matévu 21.23-27; Dúcasıy 20.1-8)

<sup>27</sup>Jadchıy jıta rıjetyııyada jtojada Jerusarımuntıy. Savıtayajadanumatıy ravımu Jüdenunıjyu jachıpyajo, rıtyuudıyada jıta caserdótevyeda nutıtyumiñı Jesús, Jüdenı nıquejada datyanıvay, rımyıtıyımıy jarye. <sup>28</sup>Rıteda jıta varıy sıva: “¿Nutyıra jpajadata yıvaacharara yıvaayada day,



nutyura? ¿Chí jtedamuju jiñi jvaadyerya jiryaya day, chí?”<sup>29</sup> Suteda jita Jesús variy ruuva: “Ray rajtajanu diye jiryaya taradeva. Jiryajmutya ray, ray jarye ratuchu variy jiryiva chí jtedamuju rivaadyerya jiryaya day.”<sup>30</sup> ¿Tesiya ravichada Juán Bautístabay jtyadoda day, tesiy? varimyata Jüdenü jtedamusidyerya, niyjami jtedamusiy dyetyara. Jiryama jmutya ray.”<sup>31</sup> Jasiñuma jita riñiquettasadede riva dayu: “Vuryatij tjay: Jüdenü jtedamusirya Juánbay jtyadoda, sajtay jita variy vuryiva day: ¿Daryamunimuy ne jiryetyuvachuruyada simu?”<sup>32</sup> ¿Mityani dyetya vuryajtadye: Niyjami jtedamusiy ranicha? Vuchuvuryi niyanvajyuu. Tapitya rijechipiyanuyada daryaju sanijyu Juánbay: Niñi dyetyate sitenu Jüdenü tüchüte.”<sup>33</sup> Ramunítij rumutyajadani Jesús variy: “Ne nudetya day.” Jadchiy jita suteda Jesús variy ruuvantiy: “Danyamuy ne vinu ray ratuchuntidyerya nutyura jpajadata rivaacharara rivaayada, nutyura.”

**Jesús tüchoda jvaavye  
jasuuvyeryapuryanchiy**  
(Matévu 21.33-46; Dúcasiy 20.9-19)

**12**<sup>1</sup> Jadchiy jita sajotada niquejadara datyadoda tüchoda. Satüchoda jita: “Santada jita vanura niñisijyuni, sapuryejada jita ravichüta rayada; sübeda jita variy ramuchijyoju niñisy, sivaayada jita ravimura rorivyüqui jadchityi sunütatyanirya. Satocheda jita nutadajami ruumu niyjanavarya, riñuma rajvaadyerya, rateratanuma nutasarasiy riryamurichenu dañi mucadijami day, ratera jita ramacho rijyu varintyidyey. Sayada jita variy tajijyu day.”<sup>2</sup> Ritojadanumatij jatojada runda, supajada jitanij tiqui

jimyuhechiy ruumu rivaavye: Yajmutyajasirya niñusitye rajyusara ruumusiy.<sup>3</sup> Rureda jita rivaavyeñi muchechiy, rimyusiyeyada variñi, rupajada jita mitya tarajsa rivasiñi.<sup>4</sup> Sajatyiyada jpajadani tü muchechintiyi. Rivyatajododa jitaraya suno variy rumu, riryavityiyeyada tamitya rivasiñi.<sup>5</sup> Sajatyiyada jpajadani nuntiy, niñi jita ruveda titaju variy rumu. Tiquitya sani jpajada day, tñi rimyusiyeyada day, tñi ruveda titaju day.<sup>6</sup> Tiqui sanichada rajamidenu, jaryi vatasi sanichada. Paricheñuma sani jpajadani jidyenu ruumu: Simu dyetya jita riryityuvachu.<sup>7</sup> Ruteda jita nuñi riy jvaavye varidyey: Jiñu jita mucadi jamidenu. Sanumatij diichara sajay, niñuma ramachosara rajamijyu variy. Vañü, vuryajvani, vujyunuma ramacho samucadi varidyey.<sup>8</sup> Jadchiy jita ruredani, ruveda variñi, puutyityeni. Rijetyada jita bimuju varirya sababyi.<sup>9</sup> ¿Nutyura sacha mucadi jami varidyey, nutyura? Sataryaya jita variy, satidyey paruta variryi jvaavye. Variñi jita sasay tavantidyerya niñisijyünintidyey.<sup>10-11</sup> Ne jiryeniquestiyera jiryaya catera nucharantijyüü:

Ravichu jita jiryatij rrachusi rorij jvaavyejyuni, niñuma ranicha jita rorij surütya, jiryenu ravichumusiy. Rani jiryaya sivaayada Nutyityu, mityanuma vuryinuy ranacho day, vutyitta varirya.”\*

<sup>12</sup> Jadchiy jita riñi jantyada jureda caserdótevyeda nutyityumiñi Jesús, jiryatij ridyetyada daryaju jiniñiyura sani datyadoda Jesúsra jiryaya tüchoda. Richuvuyada varidyeryi niyanvadyey, ramunítij rityocheda variñi, riyada jita variy.

\* 12.10 Yajnyura Murrapedyey 118.22; Nusubyimiy Jvaachara 4.11; Rajotya Pyitru 2.7

**Criquinchiy jiryatij jamu nutyityu murichenutaniy nijyanvaryá**

(Matévu 22.15-22; Dúcasiy 20.20-26)

<sup>13</sup>Rupajada jita riy Varyisévueda tevay, Jeródesbe siityarivay jarye, riryatidye jiriryi variy taji niquejadivani Jesús. <sup>14</sup>Ruutojada jita simu, ruteda jita variy siva: “Nudyetyara jiryatij jiiñi jita sitenu jtarya, Datyanu. Ne yinuy jaryi samivaju tinacho, dañuma sanicha ti. Jiiñi jita datyanusara sitenura Jüdenunü. ¿Samiryavidye vuryamurichenu criquiy, jiryatij jamu nutyityu Sésar murichenutaniy vuryinuyadamusirya? ¿Vuryavidye murichenu darya, vurya?” <sup>15</sup>Sadatyadama Jesús varidye: “Rutuyadamu yitay,” suteda jita variy ruuva: “¿Tajura jiryentya rañiy, taju? Yasay surradaryecyu, rajnurya.” <sup>16</sup>Riryeda jita variy sajura, suteda jita ruuva: “¿Chira sanicha jiñu criquityasa jantyasi day, chi? suru nüchara jarye.” Rumutyajada jitani: “Jamu nutyityu Sésar jantyasi.” <sup>17</sup>Sumutyajada jita Jesús variry: “Jiryamurichenu variñi Sésar jiryatij sabarya darya, jiryamurichenu Jüdenuntiy jiryatij sabaryantiderya.” Rityittada variñi.

**Saadusévueda jtajadodani Jesús diibyimusiy misadedanchiy**

(Matévu 22.23-33; Dúcasiy 20.27-40)

<sup>18-19</sup>Rüdeda jita Saadusévueda tevay variy simu Jesús. Ne ridyetyaruñuyada rimyisa diibymañuday. Ruutajadoda jita variñi Jesús: “Datyanu, Muyusésibe nyuada vujyura niquejada: Tiqúi nijyamitij rádiij dejsa, sataryinuma rajamuy variñi savatura machonu, sätidye detuchu jityeryibay jiyadajuni. <sup>20</sup>Rivyichanuyada danujuñijyate nuñi taryiveda. Sajamuyada jita rimyunatyi vaturajsá, sadiiyada jita dejsa. <sup>21-22</sup>Sanijyu vichinuma rañi jamuy

sisantiy, sadiimyata sisasintiy, dejsantiy. Sani jamuy nuntiñi, sani jamuy nuntiñi, daryamusiy ridyiyemyuyada titaju danujuñijyate sisasi dejsamiy, pattaryitye. Tamityanuma jita sadiiyada vaturantidye, puutyityentiñi. <sup>23</sup>Riryantumatiy misa jidyijyomusintiy, mijurate samacho vatura variy, tapi danujuñijyatetya rañi jamuyadani vaturanuday.”

<sup>24</sup>Suteda jita Jesús ruuva: “¿Neviy darya jachipiyajadamusiy jiryecyara-yada day? Jiryedyetyatya daryajura Jüdenu niquejada, ne vinu savanuyada jarye. <sup>25</sup>Riryantumatiy misasumiy nijyanvay diibymusiy, ne riryajamucharayu, dantyamuy ne riryajamutyancharyu, jiryatij riryechasara daryaju nutyu Jüdenu jpavaty darya, jiryatij jarichumu vichavaryi. <sup>26</sup>Jiryeniquerutyi diibyi misadanchiy, nutyu jiryeni tuchusimyantirya Muyusésibe nuryantiy, jiryunuse tuchusadamuntiy, jiryatij saniquetada Jüdenuni Muyusé sibe: Rañuma rañicha Avurabay Jüdenu, Isácubay Jüdenu jarye, Jacóbubay Jüdenu jaryentiy. Vá diibymiy riñichacay, jnyventya riñicha jasidye. <sup>27</sup>Ninñita diibymiy Jüdenu day, nutyu ninñi jita sanicha jnyvye Jüdenu. Ne jiryedyetyaryu nta, mitya niday jiryecyary riva.”

**Miryara vichasara jaryinra Jüdenu datyadoda, mirya**

(Matévu 22.34-40; Dúcasiy 10.25-28)

<sup>28</sup>Südeda jita tiqúi Jüdenu niquejada datyanuvay tenu, satuvachutada jita riñiquettayu. Sadatyadanutiatij sumutyajasiy jita Jesús samiy, sitajadoda jita variñi: “¿Miryara vichada jaryinra Jüdenu datyadoda, titaju datyadoda cabyimusiy, mirya?” <sup>29</sup>Sumutyajada jita Jesús: “Rani jita

s̄itenu datyadoda jaryinra:  
 Jiryatuv̄achu, Irayénuveda, Nutyityu  
 Vuryindenu, n̄in̄i j̄ita vichasara vinu  
 t̄iqui. <sup>30</sup>Vuryam̄a v̄atasara t̄itaju  
 vujechityan̄i V̄untiyityu J̄udenu, t̄itaju  
 vuryintuta, t̄itaju vujechipiyajadata,  
 t̄itaju vuvyanuyadata jarye risaju.  
<sup>31</sup>Jadchiy j̄ita tarantiy: Vuryam̄a  
 v̄atasaran̄i v̄utyuunu vich̄intidye, n̄utyu  
 v̄vyatasaratiy daryantidyevyuy. Ne  
 tara datyadoda jaryi jadch̄in̄uday.”  
<sup>32</sup>S̄uteda j̄ita J̄udenu niquejada  
 datyanuvay tenu siva: “Daryan̄i j̄ita,  
 Datyanu, s̄itenu yitay: N̄in̄i j̄ita J̄udenu  
 vinu t̄iquidera, ne t̄i j̄udenu darya  
 jadch̄in̄undye, vinu n̄idera. <sup>33</sup>Jiryatiy  
 v̄vyatasaran̄i J̄udenu t̄itaju vujechitya,  
 v̄dyetyadata, vuvyanuyadata jarye;  
 daryantiy jiryatiy v̄vyatasaran̄i  
 v̄utyuunuvich̄intidye n̄utyu v̄vyatatiy  
 v̄dyiryantidyevyuy; ran̄i j̄ita  
 samiryav̄aju ramusiy, jiryatiy v̄uryi  
 rupañ̄i jasi, vuryatidye say J̄udenu  
 variñ̄i, daryaday jiryatiy v̄uryi jvañ̄i  
 jasi, vuryatidye say J̄udenu varintyñ̄i.”  
<sup>34</sup>Sadatyadanumatiy Jesús:  
 sumutyajada j̄ita jaryi datyara, s̄uteda  
 variy siva: “Ne ripyate rajisiy J̄udenu  
 nusuyada n̄uday ji.” Ne sitajanuruyada  
 t̄i jadch̄in̄un̄i.

**¿Ch̄i denu san̄icha J̄udenu  
 jaryet̄i day, ch̄i denu?**

(Matévu 22.41-46; Dúcasiy 20.41-44)

<sup>35</sup>Sadatyadodanumatiy Jesús ravimu  
 J̄udenunijyū jachipiyajo, s̄uteda j̄ita  
 jasiy: “¿N̄utyu riñ̄i j̄itay J̄udenu  
 niquejada datyanuvay, n̄utyu: Davyíbe  
 jas̄in̄i Cr̄istu, J̄udenu jaryet̄i? <sup>36</sup>N̄utyu  
 n̄iday Davyíbe rañ̄i j̄itay simusiy  
 J̄udenu J̄nutu: V̄untiyityu j̄teda siva  
 rayntyityu:

Yam̄asa rayntyityudamyuju,  
 jasicharaj̄utiy ravuunutaniriyi  
 jimyityasimiy.

<sup>37</sup>S̄utaty Davyíbe j̄intyityu dañ̄i,  
 ¿n̄utyichiy s̄acha variy sas̄i day,  
 n̄utyichiy?” Nijyam̄ijuu tuvachunuyada  
 samiy variy san̄ach̄o Jesús.

**Jesús t̄uchut̄ada riy J̄udenu  
 niquejada datyanuvabe**

(Matévu 23.1-36; Dúcasiy 11.37-54; 20.45-47)

<sup>38</sup>Jesús niquejada jidyetyadodamusiy:  
 “Jiryin̄utyatata J̄udenu niquejada  
 datyanuvayjis̄isy, jiryatiy r̄ucanurya  
 v̄utayajada jamuc̄ajay sujatya,  
 jadchintiy r̄ucanurya nijyanvay  
 m̄uchaveda pudásamu. <sup>39</sup>Jadchintiy  
 r̄ucanuñ̄urya samirya masajoncha  
 mas̄adantiy, j̄utyeryanijyovimu, vich̄tya  
 jam̄ituunu jarye, jivyich̄tyamu.  
<sup>40</sup>Rivyichechavañ̄umadayu nuñ̄i riñ̄i  
 sovacharara bachen̄odaveda barya,  
 jadchintiy r̄ut̄uyada jityuchu jamuc̄a  
 sis̄a J̄udenu. Riñ̄i j̄ita rajmutȳa jaryirya  
 j̄ijyuuchaveda murichenus̄ada.”

**Bachen̄oda sayada  
 yentyuyadamusirya jicyuriquiy  
 (Dúcasiy 21.1-4)**

<sup>41</sup>Samas̄ada j̄ita Jesús criquiy  
 jmutyajosara, jadchityi sun̄uyada  
 riñ̄echo nijyanvayjuu, n̄utyura riñ̄i  
 barya criquiy rumutyajomu, n̄utyura.  
 Jiryatiy jaryi criquityavaryi, riñ̄i bay  
 rajuurav̄aju. <sup>42</sup>Nan̄ideda j̄ita  
 jantyuyadanuy bachen̄oda,  
 nanubañ̄uv̄ijada j̄itara criquidye  
 dadajyudyeruy, jiryatiy taraqui renura.  
<sup>43</sup>Sanatuyada j̄ita Jesús variryi yis̄a  
 datyavay, s̄uteda j̄ita variy ruuva: “R̄itay  
 s̄itenu jiryiva: Jiñ̄y jantyuyadanuy  
 bachen̄oda bayasiy raj̄uudadyev̄aju  
 t̄itaju ruumusiy nijyanvay, jiryatiy ribe  
 criquiy jmutyajomura. <sup>44</sup>Tapi ribemȳa  
 day jiryatiy jaryi taratavadyeryi, nada  
 j̄ita bay yentyuyadata day, ratiy nadimu  
 day, jiryatiy ran̄icha nadimu yinuyadaju  
 day.”

**Jesús jteda raparutachara  
Judenunijyu jachipiyajo**  
(Matévu 24.1-2; Dúcasiy 21.5-6)

**13** <sup>1</sup>Sasipyateda jita Jesús Judenunijyu jachipiyajomusiy, suteda jita sisa datyavay tenu yiva: “Yajnyu, Datyanyu, ita jaryi saminite ravichu, tajju! ita jaryi samiryanite risajura ravichudimusiy roriichara, tajju!” <sup>2</sup>Suteda jita Jesús siva: “¿Jidyí riva jirya jamu roriy? Ne tide ramachó ti ravichu jiryenu ravichunchanuday, mitya. Riryajotatimiyurya roriy variy, pattaryi titajura.”

**¿Nutyuramusiy vuryadatya rajotanuma  
mucadi baryijada, nutyuramusiy?**  
(Matévu 24.3-14; Dúcasiy 21.7-19)

<sup>3</sup>Samasada jita Jesús jamumusinchá jiryatí ravichada ritya Odivu, rasara Judenunijyu jachipiyajo. Jasiy savichada Pyítrubay variy, Santiyá cubay, Juánbay, Antrésibe jarye ruusajuntiy. Ruutajadoda jita dutyadamusiy variñi Jesús: <sup>4</sup>“Yatuchu ndyiva: ¿Nutyeryivye racha daryá, jiryatí yitesiy darya racha, nutyeryivye? ¿Mirya racha rajotara, mirya? ranchití vuryadatya: Ránuma jtotaniy titaju dayu.”

**Raday vichasara parutyada runda**

<sup>5</sup>Sajotada jita jteda Jesús variy ruuva: “Jiryinutyatata ti carejadajisiyu.  
<sup>6</sup>Riryajniy rajuuvay rityamu variy, riryajtay variy: Rañi rañicha Crístu, riñi racare riy rajuu nijyanvay.  
<sup>7</sup>Jiryánumatíy tuvachu ranchiy juveda, juvedanchiy jaticheyada jarye, ne jiryánutañumayá variy, daryani racha titaju day. Raviy baryite jiryítay didye.  
<sup>8</sup>Ránuma richatay juveda tavichadajsa, riryánuma richatay tavichada janvay munuñumirya juveda runda; ránuma

vicha mucosiityeyajada tajiñechoju titaju, jachinu jarye rachantiy. Nutyí raday ránicha rajottya parutyajayajada.”

**Riryajarupanta riva samituchoda vuy**

<sup>9</sup>“Jiryantya jnyu jiyada, tapivitya riryajuriy jirye riryatidye jarachiy tuchujomuju variy jiryentyi. Jadchiy jita riryamusiyé jutyeryaniyyomu risaju jiryentyi. Jiryitotáta simu cadnaduntiy, nutyityumu jarye rayasachiy, jiryatidye tuchu vijyomujache ridiyá varirya.  
<sup>10</sup>Samituchoda jita racha datyanusara munatya titaju nijyanvavya.  
<sup>11</sup>Riryánumatíy puchiy japumuju jiryentyi, riryatidye tuchuta variy jasiy jiryentyi, ne jiryajachipiya jaryi: Nurya rajtay sivacu. Jiryama nique jasiy, daryatíy jiryajmutyara niquejada dajiy variy, jiryatimyu ne jiryanique jidyirya varidye, Judenu Jnutu ranique day.  
<sup>12</sup>Nijyamí rasaryi jityeryiveda, riryatidye munu variy jasiriyi, tavañiday rasaryi jidyedyeñu day, riryatidye munu varintyiryi; tavay ranubesumiy jiyemyi jiyaroju, riryatidye munu varintyidyeryi. <sup>13</sup>Jiryavichasara javittyuchavay variy titaju nijyanvayyu, ritya jiyadaju. Nini jita jiryatíy sajachinichara taríjyu rajuyyu, sadiiyadasaraju, saday ramityasara variy riva.”

**Riryajavatyara Judéya mucadi**  
(Matévu 24.15-28; Dúcasiy 21.20-24)

<sup>14</sup>“Jiryenumatíy diy riva javityichara, javatyisara risajura, jiryatíy sabay ti jasirya, jasitíy jubachara bayadajura tara jasiy, (nitíy rajnyu ramu, jidyetyatata taryera), variñi jita rityi vichasara variryundamu Judéya mucadimu, riryama bayasiy variy jadchiy jamumusimuyju day. <sup>15</sup>Jiryetyi ratuchu sisa jityuunuvichí, ne jiryajay variy jiryoriviyimu jiberya juredanacho.

<sup>16</sup>Jiryetyi racha variy jindimyu, ne jiryatarya variy rumusiy jichujay jurijadanacho. <sup>17</sup>iTajunate day, tajū, nītiy mudasiy, nītiy rapupataniy variryundamunī jidyenu! <sup>18</sup>Jiryama tuchu Jūdenusa, satidye bay samiryunda jiryebeyedajijū, ne rūmura runda racha variy.”

### Jaryinra rāchasara parūtyada runda

<sup>19</sup>“Variryundamu racha parūtyada runda, vūdyiyadatya riva daryacu, jiryatyi Jūdenū jūdejada rundamusirya, diyerunda saraju ne vūdyi daryiva, dantiamuy ne vuryadichara daryava jadchiñūndye. <sup>20</sup>Netimyu ne sumuchaniy Nutyityu varirya parūtyada runda, ne tīdera raryi ramitya variy. Jiryatyi savatada daryaju daryi jiyeryetavadye, sumuchanijemya varirya parūtyada runda. <sup>21</sup>Tītiy rajtay variy jiryiva: iJiryajnyū, jiñutiñi Jūdenū jaryeti! varimiyata sajtay: iNūtyi muñi! ne jiryatuvachosiy variy ramu. <sup>22</sup>Riryamūtisara rūtyyada yajtay Crīstuyu, rūtyyada yajtay Jūdenū tuchuvay risajūntiyu. Riñi rajvaañuvi mityamusiy tara jiryedyiya. Riñi jtay yaquivūchu rata riy Jūdenū jaryetavay jaryentiy. <sup>23</sup>Jiryantya datyayu, rañi tuchumā rajisiy jiryiva.”

### ĈNūtyura rāchasara Nijyamīdenū jtijada, nūtyura?

(Matévu 24.29-31, 42-44; Dúcasiy 21.25-28)

<sup>24</sup>“Variryundamu jita, parūtyada rundavasiy, šanupocudivay jiñi variy, jarimyunī jarye ne šanuy variy. <sup>25</sup>Jdarichiy jarye rajūyāsara variy jarichumusiy, rāmuchutyasara jarichu vanūyada varintiyu. <sup>26</sup>Riryadiy nijyanvay variy siva Nijyamīdenū, jiryatyi suniy rapuryeryadinube, jiryatyi suniy jaryi vanūyadata, samiy jduyāsī vandanube daryaju varidyēñi. <sup>27</sup>Jadchiy

jita sajjpasara riy yipavay, riryatidye jirityanumaya tajichiryi Jūdenū jaryetavay, mucadi sūtyeryavasiy, jarichu sūtyerya sarajūsiy tītaju.”

### Jiiviyryanu datyadodanchiy

(Matévu 24.32-35; Dúcasiy 21.29-33)

<sup>28</sup>“Jiryantya datyara jiryatyi radatyanu jiiviyryanu jiryē. Rānumatyi vicha rajii vasurudijii, rānumatyi dipuvesumiy ravi, variñiday jiryadatya: Ravicharūñuma nijya runda. <sup>29</sup>Darya nīday rāchantiy, jiryānumatyi diy riva jiryá, daryatyi ratyuchosiy jiryivara, ranchiñiday jiryadatyasiy: Jativyenumanī, sitirūñuma. <sup>30</sup>Rītay šitenu jiryiva: Ne riryabaryi jivye vācha vichavay, netimyu ne rajtōtaniy tītajura jiryā, jiryatyi ratyuchosiy darya jiryivara.”

### Tamā vanay datyasara nta ranīcha, tamā, nūtyeryivyeñuma rābaryi mucadicū

(Matévu 24.36-44; Dúcasiy 21.34-36)

<sup>31</sup>“Jarichu, mucadi jarye rābaryisara risaju, rañiquejada jitamuy ne rāmachosara mitya, rajtōtanichara tītajuyū. <sup>32</sup>Tara rundamunīntiy jiryēcha darya, nūtyeryivyenīntiy dyetya, tītya datya. Dantiamuy ne Jūdenū jpvay datya jarichumu, netimyu vinu sadenu, vinu niñi Vūjyē datya day. <sup>33</sup>Jiryantya datyayu, jiryantya jnyū jiyada, jiryedyetyaviy yinuy nūtyeryivye rāchasara rarunda, nūtyeryivye. <sup>34</sup>Ravichasara nūtyu tīqui vanu jiryatyi saya tajijyu. Satochiñumatirya jiryoriy variy, sūtachedamā jiñijyanvavya varidyerya: Jiryamā jvaay nuñi tīmusirya yivaayada. Roriy jnūtyīva sūteda: Yinūtyatata samirya. <sup>35</sup>Ramunītiy jiryamā jnūtya samiyu, jiryedyetyaviy yinuy nūtyeryivye sajtī rorijyami, nūtyeryivye. Temusiy sajtī jidyē, varimiyata nuporataša, varimiyata

tavaryi suyada jotaramu, varimiyata rasacharamu dyetya. <sup>36</sup>Temusiy sajti mityamusiy, sadiñuvi jiryemeya yiva. <sup>37</sup>Daryatyi ritay jiryiva, ritay titaju nijyamijjuuvantiy: Jiryantya jnuty samiyu.”

**Rityuchudoda Judíyuveda**

**Jesús juredajuyu**

(Matévu 26.1-5; Dúcasíy 22.1-2;  
Juán 11.45-53)

**14** <sup>1</sup>Darundajuy sutyeda variy ramuju Pásco, jasiy ravichada ruravichitya rusijyuntiy, jiryatyi riimiñyayada varirya pa suró, jiryatimyu ne racarivadye. Caserdótevyeda nutyityumiy rañi jtay yajuriy Jüdenü niquejada datyanuvavyedatani Jesús, riñiyaresiy nijyanvay, rüvedaju. <sup>2</sup>Rutañyayada jita variy: “Ne vanay nta vichitya rundamu day, riñuma siryi nijyanvajyuu variy sayadaju.”

**Sarubeda vatura sunova**

**Jesúsra vurudija Betániyamu**

(Matévu 26.6-13; Juán 12.1-8)

<sup>3</sup>Savichada jita Jesús Betániya vichadamu, Siimyó vatajonnibay rorimyu. Satayadanumatiy misaniy, südeda jita tiqui vatura, sititada jítara vurudija tavuqui, adabástru ravichuteravüdera. Vurudija vichada vinu nárdumusiy jvaachara, jaryi murichetara. Samateda jítara ravüdera, rayadasiy, sarumiyeyada variy sunova Jesúsra. <sup>4</sup>Rivyichada jita ruvantiy, jiryatyi riñiqueñumayanuyada nuñi riy jasidye, raniyare: “¿Taraju sapachitya mityara vurudija, taraju?” <sup>5</sup>Saryityi taryutyaryura vurudija, raryi taryutya tavaataquimu jvaayada murichirya jiyadajura, ratiy sayasiy jantyuyada-varya.” Riñiqueyadamá sisa vatura variy. <sup>6</sup>Süteda jita Jesús variy ruuva: “Sachamiy, ne jiryajarupanta nunñi.

Nini jita vichaniy samirya darye. <sup>7</sup>Riryaday vichasara jantyuyadavay jiryisa, jiryatidye vichaniryuchara samirya tara riy; ray jita ne racha junareju jiryisa nundy. <sup>8</sup>Sivaayasiy jita vaturara daryasarajutiy sadatya. Nini jita jvasirya vurudija riva, rimuchusadajiju. <sup>9</sup>Ritay sitenu jiryiva: Tavichadamu titaju vichadiva, jasityi riryatuchusarara samituchoda, riryatuchu jítantirya jiryatyi sivaayada vaturara; riryajachipityasara nijyanvay variy rivani.”

**Judásiy rasañi Jesús jimyityasimiyumu**

(Matévu 26.14-16; Dúcasíy 22.3-6)

<sup>10</sup>Savichada Judásiy Iscaryótibe, vuyajuy sisa datyavay tenu, danujuy rinchaju. Sayada jita ruumuju Caserdótevyeda nutyityumiy, satidye sayasiy riñi Jesús. <sup>11</sup>Rityuvachodanumatirya jiryaya, riichanayada jita variy, rüteda yasay variy criquiy samityasiyada murichiryayu. Jadchiy jita, sajachipiyajada Judásibe variy: “¿Nutyichitya racheyadate samiryamunicu, nutyichiy?”

**Jesús jbyedara tamitya jidye jmyisara**

**vatajuu yisa datyavatya**

(Matévu 26.17-19; Dúcasíy 22.7-18;  
Juán 13.1-20)

<sup>12</sup>Pa suró vichitya runda jotadamu, rijyutyadanumatiy juveda dajiñi carnirudenu páscomuju day, rüteda jita sisa datyavay Jesús yiva: “¿Nutyijirya jivyata nuñajdutyara jmyichara jibyedaju, nutyijiy? pásco vichitya rundamu jmyisaraju.” <sup>13</sup>Supajada jita nada yisa datyanujyuy: “Sanajiya jamu vichadamu, jasiñi jita sanajdchoniñi vanu, javiñu nichu. Sanajsiytari jasiy variñi. <sup>14</sup>Jasityi sajay, sanajtesiy siva rorijyamí: Sütesiy Datyanu: ¿nutyijiña ranicha rorichichumarya, nutyijiy?”

jasityi **rajmyicha** Páscu vichtya rundamu **jmyisarayu**, risa datyavavye-data. <sup>15</sup>Nini jita **radityanu** variy sadara rorichichuma samiy **jdutyasara**, navaryorivyimu; **jasiniday sanajdutyasiy nuñajijura jmyichara.** <sup>16</sup>Nadayada jita **sisá** datyanujyuy **jamu** vichadamu, daryaday nanudiñuvejada **titaju** riva nutyu suteda **Jesús** darya nadiva; nanidutyada **jítara Páscu** vichtya rundamu **jmyisara** variy **jasiy.**

**Satuchoda Jesús: “Tjitanite rasatye ramyityasimyimute darye”**

*(Matévu 26.20-25; Dúcasiy 22.21-23; Juán 13.21-30)*

<sup>17</sup>Jidyenumatij ravichada, **rudeda jita** **Jesúsveda** vuyajumyusiy **munvay** rinchaju. <sup>18</sup>Rivyichadanumatij **jmyijyomu** jibyedaju variy, **suteda jita** **Jesús** variy ruuva: “**Rítay sitenu jiryiva: Tiqui jiryetyenu rasay ramyityasi-myimyu ray, jiryatij simyi risa.**” <sup>19</sup>Rijyotada **jita yivatyada** variy. **Jadchij jita** **ruteda nuñi tiquimusiy siva** **Jesús: “¿Ravyidye?”** <sup>20</sup>Suteda **jita** variy ruuva: “**Tiqui jiryetyenu, jiryatij vuyajuy jiryé, danujuy jiryenchaju; nitij paronirya pa tapaquivimu risa, nini rasay ramyityasimyimuntirye.**” <sup>21</sup>Sajyasara **jita Nijyamidenu** jiyusiy, daryani **rutay catera nuchara** sanchiy. **iJiii, tajunate davya sasayasityeni Nijyamidenute, tajú! Sajuni jita raryicha samirya netimyu ne sarupeda day.**”

**Sadatyadoda Jesús riy: “Pa ravyu, binuja jita rayndaja day”**

*(Matévu 26.26-29; Dúcasiy 22.19-20; Munatya Corintyu 11.23-26)*

<sup>22</sup>Riibyedamu, **saryeda jita** **Jesús** varirya **pa, sichanatyada jitaní** **Judenu** ranchiy variy, **sapatada** varirya **pa, sasayada jita** variy **rirya. Suteda jita** variy: “**Jiryánuma jurij, jiryatirya**

**ravyu.**” <sup>23</sup>Saryeda **jítara jatuvu** variy, **sichanatyadanumatiñi** **Judenu, sasayada** variriyi, **riryatoda jita** variy **titaju** ravimusiy. <sup>24</sup>Suteda **Jesús** variy ruuva: “**Jiryatirya rayndaja, ratatij raryi nijyanvayjura vadi jnutyá, junareju jnyadaju. Rani rayndaja rarumichara nijyamijuu jiyadaju.**” <sup>25</sup>Rítay **sitenu** **jiryiva: Ne rajatu junañudarya nutasara nurijyuusijya nuday, rarundasarájutij rajatu vadiramusiy Judenu nusujyomura.**”

**Jesús jteda siva Pyítrubay:**

**“Yarayasiy rayada”**

*(Matévu 26.30-35; Dúcasiy 22.31-34; Juán 13.36-38)*

<sup>26</sup>Rimyurramyuyadanumatij **saniijyu** **Judenu, riyada jita rivasij** **Odivu** musiquimuju. <sup>27</sup>Suteda **Jesús** variy ruuva: “**Jiryeni rasabuyatecu, tapi darya nucharavitya cateravara, Judenu niquejadamu:**

**Rajvañi jasi jnutyi, riryajurachara carnirujuu variy sivasiyu.**

<sup>28</sup>Ramyisasubedivasij **diibyimusiy, variñiday rajiya** **Cadidéya** **mucadimuju jiryajiju.**” <sup>29</sup>Suteda **jita** **Pyítrubay** **siva** **Jesús: “Rindyetya rasabudye, dañita radye.”** <sup>30</sup>Suteda **jita** **Jesús** variy **sivantij: “Rítay sitenu yiva: Jirya nupora, netimyu ne sasuy tavaryi darajuyju didye, yarayasiy mumuriju rayada.”** <sup>31</sup>Sani niquejanumucha **Pyítrubay** **siva** **Jesús: “Dañuma riryajvay yisaju ray, dantyamuy ne rarayasiy variy jiyada.”** **Nuñi daryani ruteda titaju variy.**

**Saparutyajayajada Jesús jidyiruyyada sarajuyu, Jetsemanímu**

*(Matévu 26.36-46; Dúcasiy 22.39-46)*

<sup>32</sup>Riyada **jita** **Jesúsveda** **vichajomu, ravichada ritya** **Jetsemaní. Suteda jita** **Jesús** variy ruuva **yisá** **datyavay:**

“Jiryamaşa jiyu munatya, raŕuchujadyi munatya Juđenuşa.” <sup>33</sup>Sarayada jita yisariy Pyítrubay, Santiyácubay, Juánbay jarye. Sani jotada Jesús datyađara jnuteda, saparutyada variy risajuyu. <sup>34</sup>Suteda jita variy ruuva: “Diyedemusiy saparutyajaya rañisintu, radyiiryuyada sarajuyu. Jiyuni jiryamačo nutyavay rajiju.” <sup>35</sup>Sayadanumatiy Jesús nujiipyudeju, supatyeñuvejada jita jidyirya, mucadincha. Satuchoda jita variy sisa Juđenu: “Jiiryidyetyate ramityanichara rivara raŕiy vicharuchara diye tara nta variy.” <sup>36</sup>Suteda jita variy: “Yeje, jiiñi račanichara titaŕura; yaramityaniy rivara jirya parutyasada. Dañumamuy ne yechaniy daryá jiryatıy ravyaŕa yivara; daryani jita yechanidyerye, daryatıy jivyata dacyu.” <sup>37</sup>Sataryajada jita Jesús rumusintıy, sadiñuvijada mavve variy ruuva yisa datyavay. Suteda jita variy siva Pyítrubay: “¿Jimetya Siimyó, jime? ¿Ne vanay yinuyasitye taraquidejute rajijutējuú? <sup>38</sup>Jiryama jnutyasiy, jiryama tuču sisa Juđenu, jiryatıdye ramijeryi sumutyadata jiryimu jantıyasadamu. Vujechıy jita rañicha vanıra, vuvyu jita nutyu jdıvajni day.” <sup>39</sup>Sajatyıiyada jiyadantıy, sajatyıiyada tučhoda sisa Juđenuntıy; daryaday satuchodantıy, nutyu satuchoda munatyantıy. <sup>40</sup>Jasıdye sajatyıiyada diñuvijada mavve ruuvantıy, jaryı rasuje riñısije daryajuyu, ramunıtımyu ne runuryuyada variy. Ne ridyetyada nutyura rajmutya variñi, nutyura. <sup>41</sup>Sajatyıiyada ŕayada mumurıjuntıy, suŕañuvijada variy ruuva: “Jasıntyate jiryemejeyasaratıe jasiy, ¿ne jiryıejııtımyucharate didıyējuú? Rasarınuma. Ritıma rarunda; sačinumanı Nıjyamıđenu juuchata-vamyu. <sup>42</sup>ıJiryanubesıy, vañunuma! Jiryajınyu, jatıvyenumanı nıtıy raşarye.”

**Rureda samıtyasımyı Jesúsıy**  
(*Matévu 26.47-56; Dúcasıy 22.47-53;*  
*Juán 18.1-12*)

<sup>43</sup>Jadchıntıy, sanıquejadanumatıy Jesús, sıtojada Judásıbe, vuyajuy nijyamı tenu, danujuy rınchajunı. Sısanı jita rudedıe nijyanıvıyuu jıchıtıyıtıyata, jumuy jarye. Rudedıe jita caserdótevyeda nutıyıtımyı jıvıyay, Juđenu nıquejada datıyanıvay jıvıyay, rımyıtımyı jıvıyay jarye ruusaju. <sup>44</sup>Nıtıy raşanı Jesús, sadatyadodama jıtyaju varıdyeryı yısa vıchıvıadye: “Nıtıy ramıchıvıy sıñıvıyadamısyı, nıñı saşasıy; jıryajıresıy varıñı, varıñı jıryajıtosıy sımıy jnutyadamısyıñı.” <sup>45</sup>Jasıdye jita sıtıjıada Judásıbe, sıtuudıyajada varıñı Jesús, sıtedıe jita variy sıva: “Datıyanı,” sısıñıvıyajada jita variy sımıyıtısa. <sup>46</sup>Ruredıe jita jıjıyomıtuta varıñı Jesús. <sup>47</sup>Tıquı jita jıryatıy saradedıe jasıy, sısıtyada varırya jıchıtıyıtıy, sıvatajododa jita varıñı caserdótevyeda nutıyıtıy muचेchıy. Saşahada jıtara sıtuıvay variy. <sup>48</sup>Sutedıe Jesús variy ruuva: “¿Tajunı jıryıtıtara jıchıtıyıtıy jıryejıyomu, jumuy jarye, taju? ramıtıy jıryajıurıy, nutyu paranı nta rañıcha variy jıryejıy. <sup>49</sup>Tıtaju rundamu rañıcha jıryısa Juđenunıjıy jıchıpyıajomu, radyetyanunıyada jasıy jırye, tamı jıryıredıe variy jasırye, tamı. Dañuma jıryeñı jıtótanıy daryamısyıy Juđenu nıquejada nučhara.” <sup>50</sup>Tıtaju rıbeyeyada sısa datıvıy variy, rıtyochıyajada saşıquıtıde varıdyeyu.

**Vaderonu nıtıy bayada sısısyı Jesús**

<sup>51</sup>Tıquı vaderonu sııtyarıjada variy jasıñı Jesús. Saşıchoda jita vınu rajıjıyuu yıva. Rıñı jıay jita yajırıñı. <sup>52</sup>Rasıtyeda jita saşıjıyuuca rıjıyomu, sısııchedıe jita variy sıdyavıquı rıryajısyıy.



**Savicháda Jesús jurichí tuchujomu riquebyimu nutyityumiy rimyityumiy**  
(*Matévu 26.57-68; Dúcasiy 22.54-55, 63-71;*  
*Juán 18.13-14, 19-24*)

<sup>53</sup>Rutoda jita variñi Jesús caserdótevyeda nutyityumimiyuju. Riintyeryadeda jita títaju caserdótevyeda nutyityumiy variyu, rimyityumiy, Jüdenü niquejada datyanuvay jarye. <sup>54</sup>Sasiityarínuyada Pyítrubay variy ripyasiñi Jesús, caserdótevyeda nutyityu roriy vatapadasaraju. Samasada jasiy rityuunu jurivye, satityoda variy jiidatyuunu.

<sup>55</sup>Rivyicháda jita caserdótevyeda nutyityumiy tuchujomu nusuvyevyedata. Riñi vatáda nijyanvañecho, riryatidye tuchu vase variy sayaraju Jesús, riryatidye jvay variñi. Ne ridiryuyada variy tiva, tii. <sup>56</sup>Rajuu nijyanvay jita niquejada vijyomujache sanijyura quivuyada, ne vase jasiy riñiquera, tajiñi tiniquejada day. <sup>57</sup>Tini nique jiñubesubedamu sanijyu darya quivuyada day: <sup>58</sup>“Nuñi tuvachutiirya saniquejada: ‘Ray rajavatyara Jüdenü roriy, jiryatiy jomututa jvaacharara, mumurundami-myusiy jita ranubesityanirya tarantiy, jomututa jvaachara vitya, mitya.’”

<sup>59</sup>Netiy vinu daryamusiy riñiquejada samirya, tajiñi tiniquejada varidye.

<sup>60</sup>Saradeda jita Caserdótevyeda nutyityu riquebyimu variy, sitajádoda jasiñi Jesús: “¿Ne yimutyaruy tara dajyuú? ¿Tajuranuma riñi tuchuta jiñijyu day, taju?” <sup>61</sup>Samáchojada mitya vajerya variy jasiy, ne sumutyajada taradera. Sajatyiyada jita jtajádoda Caserdótevyeda nutyityuntiñi: “¿Jiñita Cristu, jiryatiy Jchanatyasi denu dajyi?” <sup>62</sup>Süteda jita Jesús variy siva: “Jo, rañi rañicha. Jadyitya jiryinuy satiy masa Nijyamidenu santiyityudamyuju Jaryi Vanurya. Jiryaday jnyy sanumatiy jniy

rapuryeryadinube jarichumusiy.”

<sup>63</sup>Jadchiy jita sarotyada caserdótevyeda nutyityura jichujay, irooyo! “¿Tarajura vuryivyata junañunryi vijyomu tuchuvañuday, taraju?” <sup>64</sup>Jiryeni tuvachumara jiryatiy savityiyeni Jüdenü. ¿Nutyura jiryitay jirye, nutyura?” Rumutyasadede jita variñi: “iSaryi batye riva!” <sup>65</sup>Tini jotada jtochiyeyada siva day, ripyurejada jítara sanisy, ruvatyiyada jita variy siva jijyomututa. Rutañuyada variy siva: “iYadatyacu! ¿Chira juvesiy jiñiy, chi?” Ruvatyiyada jurivye variy jasiñi.

**Sarayada Pyítrubay sayada Jesús**  
(*Matévu 26.69-75; Dúcasiy 22.56-62;*  
*Juán 18.15-18, 25-27*)

<sup>66</sup>Savichadanumatiy Pyítrubay mucomu, vatapadamu, südeda jita Caserdótevyeda nutyityu muchechityu sanáchoju. <sup>67</sup>Sadiñuvijadanumatiy siva Pyítrubay satiyu samomu, sunuyada jita samiy sanácho, süteda variy siva: “Ji jarye vichasiy sisa jiñu Nasaryéjami Jesús.” <sup>68</sup>Sarayada jita Pyítrubay variy sayada: “Ne, tamá radyetya day, tamá, dantyamuy ne radyetya tara jiñique riva.” Sasipyateda jita variy vatapada jajyomuju. Sasuyada jita tavaryi variy. <sup>69</sup>Sadiyada muchechityu sivantiy, sajatyiyada jteda ruuva jityuunuvichavay: “Jiñu vanu rañicha Jesúsveda tenu.” <sup>70</sup>Sajatyiyada rayada Pyítrubay variy sayada, muchechityujisintiy. Taraquipudemusiy jita rüteda Pyítrubay tuunu vichavantiy: “Sitenu jiñi rañicha rityenu sitenu, jiryatiy Cadidéya mucadimusí daryaju ji.” <sup>71</sup>Nini jotada jteda: “Tamá ray rañicha, tamá. Ratyi racha, Jüdenü raryichaniy tara varirye.” Süteda jitantiy: “Ne racyarera, sitenuni ratyuchute day. Ne radyetyani jiñu nijyamí sanchityi jiryenique.” <sup>72</sup>Varidyeday sasuyada tavaryintiy

rataryarajū. Sajachipityada jita Pyitrubay varirya Jesús niquejada: “Netimyu ne sasuy tavaryi darajūy didye, yarayasiy mumurijū rayada.” Sajotada jnayada variy jasiy.

**Ripyucheda japu Pyidátubamyujūni Jesús**

(*Matévu 27.1-2, 11-14; Dúcasiy 23.1-5; Juán 18.28-38*)

**15** <sup>1</sup>Rasacharamu ruuvaayada caserdótevyeda nutyityumirya tuchoda, rimityumitya, Judenu niquejada datyanuvatya jarye, jiryatiy nusuvye títajū riy. Jadchiy jita ripyuchodani Jesús variy; ripyucheda jadchiñi, richeyada variy Pyidátubañi. <sup>2</sup>Sitajadoda jita Pyidátubañi: “¿Jiñita Judíyuveda jamu nutyityu ji?” Sumutyajada Jesús variñi: “Jityi jtay daryadacyu.” <sup>3</sup>Rityuchutanuyada caserdótevyeda nutyityumi rajuuranchiñi. <sup>4</sup>Sajatyiyada jita jtajadoda Pyidátubantiñi: “¿Ne yimutyarudye? ¿Ne yinuy rajuuranchiy rityuchuta ji?” <sup>5</sup>Ne sumutyaruyada Jesús tara variñuday. Satitáda Pyidátubay variñi.

**Pyidátubay sayada crusityasa jvatyadedajūni Jesús**

(*Matévu 27.15-26; Dúcasiy 23.13-25; Juán 18.38-19.16*)

<sup>6</sup>Nuñi vichtya rundamu rumuryanuyadani jurichi, jiryatiy rivyatanuyada Pyidátubavyani jurichi. <sup>7</sup>Jurichavay cabyimu jita savichanuyada tiqui nijyami, Barába jtyatíbay. Varityi riñubesubeda nijjanvay, mamyi nusuyada jiyaroju, sūveda Barábabañi nijyami. Niñi vichanuyada variy tanuvunujovimu. <sup>8</sup>Rūdeda jita nijjanvayuu variy simu Pyidátubay, rijyotada jachiñuyada variy siva: “Yajmuryani jurichi, tapi nuñi dajitya yimuryasarani jurichi vichtya

rundamu.” <sup>9</sup>Sumutyajada jita Pyidátubay variryi: “¿Jirivevyataviy rajmurya jiryejyūni Judíyuveda jamu nutyityu?” <sup>10</sup>Tapi sadatyanuyadatya Pyidátubay daryaju: rivaníday richeñuyada caserdótevyeda nutyityumiñi Jesús, jiryatiy samirya ridyiryejada nijjanvay daryaju dañi. <sup>11</sup>Riryatachunuyada caserdótevyeda nutyityumiryi nijjanvay variy, riryatidye jachiñuy siva Pyidátubarya: “Yajmuryani Barába, Jesús jubivaju.” <sup>12</sup>Sūteda jita Pyidátubay jadchiy ruuvantiy: “¿Nutyuna jiryitay rachaniñi jiñu nijyami, nutyu? jiryatiy jiryeñi jtay Judíyuveda jamu nutyityuntiñi.” <sup>13</sup>Richeñeyajada jita varintiy: “Yani jvay crusityasani.” <sup>14</sup>Sūteda jita Pyidátubay variy ruuvantiy: “¿Tarajura? ¿Tara sivaay nicaray, tara?” Jaryiñuma richeñeyajada jitate varidye: “Yani jvay crusityasateni.” <sup>15</sup>Jadchiy jita jiryatiy sani jchanachuruyada Pyidátubay rata riy, sumuryada jita variñi Barába rijyu. Samusityadedanumatiy variñi Jesús, sasayada jita varintiyiñi, crusityasa jvachadaju.

**Samusiyechadivasiy**

**riryarupantada Jesúsuy**

(*Matévu 27.27-31; Juán 19.2-3*)

<sup>16</sup>Ripyucheda jita sutarumiñi Jesús japu roriy vatapadamuju. Jadchiy jita riñatuyada riy títajū yisa vichavay variy. <sup>17</sup>Rijechoda jita sutarumiy sivantirya vadacudijajyuuntiy, jadchiy jita richada sanuviiju caritujumusi, ribeyada sunomu variy. <sup>18</sup>Rijyotada mūchuvada variñi Jesús: “iSama jnūchara tarijyu Judíyuveda jamu nutyityu!” <sup>19</sup>Rūvatyiyada jita tancheduta sunova, rityochiyeyada variy siva, riryadasidyoda variy satunuyu, nutyu riñi tuvachu nta yitay variy simu.

<sup>20</sup>Riryarupantamuyadanumatiñi, rimerchoda jita variy sivasirya vadacudijajyuu, rijechoda varirya sasujay yivantiy.

**Rūveda yivamyurota crusityasani Jesús**  
(Matévu 27.32-44; Dúcasiy 23.26-43;  
Juán 19.17-27)

Riryarayada jita bimujuni jasityi riryajvay crusityasani. <sup>21</sup>Rinchutadeda jita variy crusiñi tiqui vanu jiryatiy saramiryi variy yindimysiy. Niniday Siréne mucadimusi, jiryatiy Siimyo jtyatibañi. Nini vichanuyada Adeján-trubay jabe, Rújubatyá. <sup>22</sup>Riryarayadani Jesús ravichajomuju, jiryatiy Córucota jtyatarara, jiryatiy ruteda Niyjami Jnošiiy Vichajora. <sup>23</sup>Runtatyajajada variy sivara bínua, myírata jaryedo; ne sumutyajadara. <sup>24</sup>Rūveda jita yivamyurota crusityasa variñi. Riñantajajada jita sutarumiy variy yivara Jesús sujay, nutyu riñi tiyša rata, chijura ramacho Jesús sujatye, chiju. <sup>25</sup>Vasetuunu jiñita rūveda yivamyurota crusityasani Jesús. <sup>26</sup>Jiryatirya ranūchara tariva rūveda crusityasani Jesús, ranuma ranicha sanūchara: “Judíyurveda jamu nutyityu,” jiryatiy rityuchutada daryajuni. <sup>27</sup>Rūveda jita yivamyurota crusijyutyasa nada danujuy paranunijuntyi, tiqui santiytyudamyusiy, nuntyi samidámusiy. <sup>28</sup>Ruutotadedama jita jasirya ranūchara: “Nutyu jamirya vichara rutañi.” <sup>29</sup>Jiryatiy riryamiyanuyada nijyanvay rumu, riryavityiyeyadani, rimyichutyajajada varirya yino, jiryatiy ruteda siva: “Uju, daryamuniday yiteda yajavatyara Jüdeno roriy. Yiteda jitantiy: Mumurun-damimysiy ranubesityanintyirya rorintiy. <sup>30</sup>Yanuma jantyuy jiñuberiy yiva, yimusamata jiñuberiy ratasasiy crusiy.” <sup>31</sup>Darya niday rivyichaniñuyada caserdótevyeda nutyityumitya, Jüdeno

niquejada datyanuvatyani, jiryatiy riryarupantada daryajuni: “Tiva jita santyuñuyada day, tama santuyuy yivantidyecyu, tama. <sup>32</sup>Sanumata jmusaniy jiñuberiy Cristu, Irayénu jamu nutyityu crusityasasiyu, vuryajnyasityecu, sitenu nite, vuryatidye tuvachu variy simu.” Jiryatiy rūveda crusityasa sisaju nada, nada jarye javityiyeyada variñi Jesús.

**Jesús diiyadanchiy**

(Matévu 27.45-56; Dúcasiy 23.44-49;  
Juán 19.28-30)

<sup>33</sup>Vase jiñitanumatiy ravichada, rajotada jita jiñupuyada mucadiva titaju variy, ninutijcha vichitasaraju riñupuyada. <sup>34</sup>Jadchiy jita, saniquejada Jesús jicheñeyajadamuntiy: “Elóy, Elóy, láma sabactáni.” Daryani rani jtadye: “Yeye, Yeye, ¿tajura jityochirye, taju?” <sup>35</sup>Jasiy ranivye tevay rityi tuvachodara saniquejada, ruteda variy jadchiy: “Ujuu, sanatuyeñumaní Edíyasíy.” <sup>36</sup>Sasiicheda jita tiqui nijyami, saparodedara vasarijuujay, bínu judajata, sabayada jita tanchedujchara, suntatyada variy sivara sätidye riñirya, suteda jita variy: “Rachamiy, vuryajnyu savidye jmusaniñuvi Edíyasiñi.” <sup>37</sup>Jadchiy jita sasañeyajada Jesús jaryi variy, satijeyacheda tamitya varyu. <sup>38</sup>Jadchiy jita raseteda Jüdeno rorivyimu mutanujay jache navachiy, mucomuju, irooyo! <sup>39</sup>Saradeda jita taraqui pacha sutarumiy nutyityu Jesúsšara. Sunuyadanumatiy nutyuramusiy satijeyacheda Jesús tamityayu, suteda jita variy: “iSitenu Jüdeno denunittarye, sitenu!” <sup>40</sup>Jasidye rivyichada vatuntyi, runuyada ripyapusiy sanacho. Rivyichada rityevay jasiy Mariya Mardánamusibay, jadchiy jita rununtyi da Mariyajubentiy, Santiyácujube nijyuvichi jnodabay, Jusibe jnodabay jarye risajunada, tamityanuy

jita Sadumyídyajube. <sup>41</sup>Riñi jivye vatuy siityariñuyadani Jesús, riryatidye potyaniñi, Cadidéya mucadimutidye sanichanuyada variy. Jasidye rivychada ruvay vatuy junantiyi, rityi jnuñuyada Jerusari vichadasarajuni.

**Jesús jmuchusadanchiy**

(Matévu 27.57-61; Dúcasiy 23.50-56;

Juán 19.38-42)

<sup>42-43</sup>Jidyenumatyi ravichada, jiryatyi jdutyada runda ravichada varidye, jiryatyi rütachara jiiuyada runda jotada varintyirya, sudedada jita Jusíbe variy, Arimatéya vichadamusi, jiryatyi nusuvye tenuni. Niday nutuchara rajiju Judenu nusuyadantiy. Dajiryundamuni jita sabayada vanu sabuyasayu, sayada variy Pyidátubamyu, sajachiñuyada jita variy sivara Jesús babyi. <sup>44</sup>Satittada Pyidátubay varirya, sajachipiñajada jita: “¿Sitenumi viy savichasiy diiñu Jesús?” Sanatutyadeda variñi taraqui pacha sutarumiy nutyityu, sitajadoda jita variñi: “¿Diiñunuma viy?” “Jo.” <sup>45</sup>Sadatyadanumatyi Pyidátubarya Jesús diiyada, suteda variy siva Jusíbe: “Yanuma jtu darya Jesús babyi day.” <sup>46</sup>Jadchiy jita sataryuyada Jusíberya rajejyuu, sumusadeda varirya Jesús babyi crusityasasiy, sarayada jita variy rajejyuu-tara sababyi. Sajachunuejada jita bapyovudivimura, ravichunube jmuchuravimu, sasiichudoda variñi tiqui ravichu bapyovudimuju. <sup>47</sup>Sunuyada jita Mariya Mardánamusibay variy ranacho, nutyijirya sabayatera, nutyijiy. Nanuvichada jasintyi da Mariyajubentiyi, jiryatyi Jusíbe jnodabay nada.

**Jesús misada diibyimusiy**

(Matévu 28.1-8; Dúcasiy 24.1-12;

Juán 20.1-10)

**16** <sup>1</sup>Rabaryijadanumatyi jiiuyada runda, rityeryuyada jita Mariya Mardánamusibay, Santiyácubay

jnodabay, Sadumyídyajubetya varirya vurudija, riryatidye jvanuve variy riva Jesús babyira. <sup>2</sup>Tarimyusiderya tumyicyu rundamu, riyada jivye vatuy sabapjomu, jiñi mutiramu.

<sup>3-4</sup>Rutatyityiyada jita nuñi riy yiva:

“¿Chí rasiichununi ravichu rarorijyumusiy bapyo day, chí?” Jaryi jami savichada ravichu daryaju.

iRunuyasubeda jita variy sanacho ravichu, siichunusinuma variy rarorijyumusidyeñi! <sup>5</sup>Jadchiy jita rijeyada ravimu bapyovudi, ridyiñuvejada jita siva vaderonu, samasada rintyityudamyuju, ravichada sasujay pupajacya. Runteda jaryi variy.

<sup>6</sup>Jadchiy jita suteda vaderonu ruuva:

“Ne jiryajnutay. Jiryeniday vata sanacho Nasaryémusi Jesús, jiryatyi ruvaje crusityasani. Nutyu sani misasimya, tama tijnay rañicha jiyunoday, tama. Ne jiryinujyuu, jiyuni riñi bajeñi. <sup>7</sup>Jiryanuma tuchu ruuva sisa datyavay, Pyítruva jarye: Niñi Jesús rajiyanta jrye Cadidéya mucadimuju. Jasiñuma jiryadiñuve siva day, daryatyi satuchusiy jiryiva day.” <sup>8</sup>Jadchiy jita richipyateda vatuy ravimusiy bapyovudi, ribeyadamu, tapitya rimyichutyeda daryaju yintedamu. Ne ruteda tarade tiva, tapitya richuvuyada daryaju.

**Jesús dityadoda Mariya**

**Mardánamusibamyuyu**

(Matévu 28.9-10; Juán 20.11-18)

<sup>9</sup>Samisadanumatyi Jesús tarimyusiderya, tumyicyu rundamu, sajotada dityadoda munatya Mariya Mardánamusibamyuyu, sivasityi sajatyada daryajuriy danujuñijyate bayantuveda. <sup>10</sup>Niday jiyada tuchu rumuntiy, jiryatyi tariy rivychanuyada Jesúsja, jiryatyi runatya variy riryentyuyadamu sivasidyeyu.

<sup>11</sup>Satuchodanumatiy Maríyabay ruuva: “Tamā dīñu sanicha, tamā, n̄tyu rañi dimya siva,” ne rityuvachuruyada variy simu day.

**Jesús dityadoda yisa datyanujyuy**  
(*Dúcasiy 24.13-35*)

<sup>12</sup>Jadchiy jita rivasintyi, sadyadoda Jesús danujuy rityenujuy varintiyu, t̄jtanuma varintiyidyeñi. Nanutar̄yadanuma daryaju nudimiyu, jamu vichadamusiy. <sup>13</sup>Nanutar̄yijada jita variy jamu vichadamujuntiy, nanutuchunuvejada jita variy ruuva jityevantidyey, ne rityuvachuruyada variy nadimu, mitya.

**Jesús dityadoda yisa datyavayu,**  
**supajada tuchuvay variryi**

(*Matévu 28.16-20; Dúcasiy 24.36-49;*  
*Juán 20.19-23; Jvaachara 1.6-8*)

<sup>14</sup>Tamitya jita sadyadoda vuyajuy yisa datyavamyuntiyu, t̄iqui rinchaju, riibyedamu. Saniquetyada jita variy jasiryi: “¿N̄tyuramumuy ne jiryetyuvachuruy ramu, n̄tyuramu? iJaryi surranivite jiryejehiy jaryi surra!” Ne rityuvachuruyada daryaju ruumu, rityi rañi diy munatya siva Jesús samisadivasiy. <sup>15</sup>Jadchiy jita suteda

Jesús ruuva: “Jirȳanuma jiya t̄itaju vichadiva ripyasaraju, jiryatidyey datyanunumaya rumura samituchoda, t̄itaju nijyanvavya. <sup>16</sup>N̄ityi ratuvachu ramu, sacha variy jtyanus̄i risaju, n̄ini raramityanichara yivara taji vichadeda. N̄ityim̄y ne ratuvachu ramu, n̄ini jita racha parutis̄ij̄y r̄ucosidyey. <sup>17-18</sup>Rityi ratuvachusara ramu, riryajvaacharara mityamusiy jvaayada variy. Riryajatyasara riy bayantuveda nijyanvavyasiy r̄ityamu, rirȳaniquera vadi niqejada, riryajuriñi codiy jijyomujuntiy. Riryityi jatura tara diichaja, ne riryecha tara r̄ucosidyey; riryabarya jijyomutu jdivajnuvaniy, riryamisa varintiyi.”

**Jesús jasubeda**  
**jarichunchaju**

(*Dúcasiy 24.50-53; Jvaachara 1.9-11*)

<sup>19</sup>Nutyityu Jesús jita, saniquejadanumatiy ruuva, sayada sqvachi jarichuvimujy, jasityi samasada Judenu nutyityudamyu. <sup>20</sup>Sisa datyavay jita jiyada tuchunumayavay mucadi sutyeryasaraju. Nutyityu jita jvaayada mityijyi ruusa, jiryatiy sadyadoda sitenura samituchoda, mitya judejadamusiy jiryatiy sivaatyadedara. Daryanuma r̄achasara t̄itaju.